



07209

古文奇賞卷之十四

招真館碑銘

梁簡文帝

玉龜二始金書八會道浹地心功浮天外故帝可小  
惟貞能大德起同塵善生塞兌保物自然人符交泰  
掩映綠蘿穹隆紫蓋仙治之美此焉爲最雄柱千步  
陽臺百丈水均下矚山踰高掌野寂雲興禽繁山響  
升。虹。夕。栖。豐。雷。朝。上。書。藏。玉。柙。藥。蘊。銀。筒。燒。鉛。雜。錘。  
折。桂。和。葱。斧。柯。雖。朽。碎。石。無。窮。

陶貞白先生墓銘

古文奇賞 卷十四

一

維大同二年龍集丙辰克明三月壬寅朔十二日癸  
丑巳時華陽洞陶先生蟬蛻於茅山朱陽館先生詩  
弘景字通明春秋八十有一屈伸如恒顏色不變有  
制贈以中散大夫謚曰貞白先生遣舍人主書監護  
喪事十四日巳時窆於雷平之山若夫真以歸空爲  
美道以無形爲貴不知悅生大德所以爲生不知惡  
歿谷神所以不歿妙矣哉隱顯變化物莫能測旣而  
岫開折石天墜玉棺銀書息簡流珠罷竈九節麗於  
空中千和焚於地下仙宮有得朋之喜受學振臨谷  
之悲予昔在枏壤蚤逢圮上之術今邁元良屢稟浮

丘之教握。留符而惻愴。思化杖而酸辛。乃爲銘曰。  
無名曰道。不灰爲仙。亦有元則。兼稱准川。遁形解化。  
自昔同然。倚與夫子。受籙歸玄。梨傳苑吏。書因賈傳。  
虎車照景。蜺拂凌烟。餘花灼燦。春澗潺湲。鬱鬱茅嶺。  
悠悠洞天。三山白鶴。何時復旋。

麗語寫真人山花笑開

相宮寺碑銘

真人西滅。洎羅漢東遊。五明盛士。並宣北門之教。四  
姓小臣。稍罷南宮之學。超洙泗之濟濟。比舍衛之洋  
洋。是以高簷三丈。乃爲祀人之舍。連閣四周。並非中

古文奇賞 卷十四

二

官之宅。雪山忍辱之草。天宮隨樹之花。四照芬吐。五  
衢異色。能令扶解說法。果出妙衣。鹿苑豈殊。祇林何  
遠。皇太子蕭緯。自昔蕃邸。便結善緣。雖銀藏蓋。寡金  
地多闕。有慙四事。久立五根。泗川出鼎。尚刻之罌。之  
石岷峨。作鎮猶銘。劍壁之山。矧伊福界。寧無鐫刻。銘  
曰。洛陽白馬。帝釋天冠。開基紫陌。峻極雲端。實惟  
爽塏。婁心之地。譬若淨土。長爲佛事。銀鋪耀色。玉礎  
金光。塔如仙掌。樓疑鳳皇。皇珠生月。鬼鍾應秋。霜鳥依  
交露。幡承杏梁。窻舒意葉。室度心香。天琴夜下。紺馬  
朝翔。生滅可度。離苦獲常。相續有盡。歸乎道場。

答湘東王和受試詩書

簡文帝

比見京師文體儒鈍。殊常競學浮疎。爭事闡緩。既殊  
比典。正背風騷。若夫六典三禮。所施則有地。吉凶嘉  
賓用之。則有所未聞。吟咏情性。反擬內則之篇。操筆  
寫志。更模酒誥之作。遲遲春日。翻學歸藏。湛湛江水  
遂同大傳。吾既拙於爲文。不敢輕有倚撫。但以當世  
之作。歷方古之才。人遠則楊馬。曹王近則潘陸。顏謝  
觀其遺辭。用心了不相似。若以今文爲是。則昔賢爲  
非。若以昔賢可稱。則今體宜棄。俱爲盍各。則未之敢  
許。又時有效謝康樂。裴鴻臚文者。亦頗有惑焉。何者

古文奇賞

卷十四

三

謝巨眼

謝客吐言天拔。出於自然。時有不拘。是其糟粕。裴氏  
乃是良史之才。了無篇什之美。是爲學謝。則不屆其  
精華。但得其冗長。師裴。則義絕其所長。唯得其所短。  
謝故巧不可階。裴亦質不宜慕。故胸馳臆斷之侶。好  
名忘實之類。決初謝生。豈三千之可及。伏膺裴氏。懼  
兩唐之不傳。故玉徽金銑。反爲拙目所嗤。巴人下里  
更合郢中之聽。陽春高而不和。妙聲絕而不尋。竟不  
精討。鑄銖覈量。文質有異。巧心終愧。妍手是以握瑜  
懷玉之士。瞻鄭邦而知退。章甫翠屐之人。望闕鄉而  
歎息。詩旣若此。筆又如之。徒以烟墨。不言受其驅染。

紙札無情任其搖。襞甚矣哉。文章橫流一至於此。至如近世謝朓沈約之詩。任昉陸倕之筆。斯實文章之冠冕。述作之楷模。張士簡之賦。周升逸之辯。亦成佳手。難可復遇。文章未墜。必有英絕。領袖之者。非僉而誰。每欲論之。無可與語。念言子建一其商確。辨茲清濁。使如涇渭。論茲月旦。類彼汝南。朱白既定。雌黃有別。使夫懷鼠之慙。濫竽自耻。相思不見。我勞如何之。梁書庾肩吾傳曰。齊永明中。王融謝朓沈約文章始用四聲。以爲新變。至是轉拘聲韻。彌尚麗靡。踰於往時。太子與湘東王書論之。

古文奇賞 卷十四

四

答新渝侯和詩書

垂示三首。風雲吐於行間。珠玉生於字裏。跨躡曹左。會超潘陸。雙鬢向光。風流已絕。九梁插花。步搖爲古。高樓懷怨。結眉表色。長門下泣。破粉成痕。復有影裏細腰。令與真類。鏡中好面。還將畫等。此皆性情卓絕。親致英奇。故知吹簫入秦。方識來風之功。鳴瑟向趙。始覩駐雲之曲。手持口誦。喜荷交并也。

鮮妍。簡文帝名綱。字世續。武帝第三子。初封晉

安王。昭明太子薨。立爲皇太子。在位二年。爲侯景

所弒。廟曰太宗。

屬當詰武  
君臣無猜  
搖動翰墨  
未運有武  
弱文強之  
語

與劉孝儀令

簡文帝

在繁囂時  
能為清靜  
取非

賢從中庶奄至殞逝痛可言乎其孝友淳深立身貞  
固內含玉潤外表瀾清美譽嘉聲流於士友言行相  
符始終如一文史該富璇琰為心辭章博瞻玄黃成  
采既以鳴謙表性又以難進自居未嘗造請公卿締  
交榮利是以新沓莫之舉杜武弗之知自阮放之官  
野王之職栖遲門下已踰五載同僚已陟後進多升  
而怡然清靜不以少多為念確爾之志亦何易得西  
河觀竇東江獨步書籍所載必不是過吾昔在漢南  
連翮書記及黍朱方從容坐首良辰美景清風月夜

古文奇賞

卷十四

五

鷓○舟○乍○動○朱○鷺○徐○鳴○未○嘗○一○日○而○不○追○隨○一○時○而○不  
會○遇○酒○闌○耳○熱○言○志○賦○詩○校○覆○忠○賢○權○揚○文○史○益○者  
三○友○此○實○其○人○及○弘○道○下○邑○未○申○善○政○而○能○使○民○結  
去○思○野○多○馴○雉○此○亦○威○鳳○一○羽○足○以○驗○其○五○德○比○在  
春○坊○載○獲○申○晤○博○望○無○通○寶○之○務○司○成○多○節○文○之○科  
所○賴○故○人○時○相○婉○偶○而○此○子○溘○然○實○可○嗟○痛○惟○與○善  
人○此○為○虛○說○天○之○報○施○豈○若○此○乎○想○卿○痛○悼○之○誠○亦  
當○何○已○往○矣○奈○何○投○筆○惻○愴○吾○昨○欲○為○志○銘○弁○為○撰  
集○吾○之○劣○薄○其○生○也○不○能○掄○揚○吹○歎○使○得○騁○其○才○用  
今○者○為○銘○為○集○何○益○既○往○故○為○痛○惜○之○情○不○能○已○已

真不作世  
情語

耳

劉遵字孝陵彭城安上里人有學行工文爲晉安  
王宣惠雲麾二府記室王轉南徐州治中後爲雍  
州復引爲安北諮議叅軍帶印縣令及王立爲皇  
太子仍除中庶子大同元年卒太子深悼惜之

奇賞

卷十四

六

與劉智藏書

梁元帝釋

菩薩蕭法車置郵大士劉智藏侍者自林宗逸反玄  
 度言歸以結元禮之心彌益真長之歎故以臨風望  
 美對月懷賢有勞寤寐無忘興寢方今玄冥在節歲  
 聿云道日似青緹雲浮紅蘂清臺炭重北宮井溢想  
 禪說為娛稍符九次成誦之功轉探三密山間芳杜  
 自有松竹之娛岩穴鳴琴非無薜蘿之致修德之暇  
 差足樂也昔韓梅兩福求羊二仲鄭林騰名於馮翊  
 屈黨傳芳於太原或有百鎰可捐千金非貴松子為  
 餐蒲根是服未有高蹈真儒歸宗法海梵王四鶴集  
 古文奇賞 卷十四 七

看他開闢  
 散散並無  
 身積見最  
 在徐  
 止

林籟而相鳴帝釋千馬經丘園而跼步有一於此猶  
 或稱奇兼而總之何其盛也故知南臨之水已類呂  
 梁之川北之山彌同武安之嶺豈復還思淑浦尚  
 思蘆臺張彼漢池載懷荒谷以此相求心可知矣僕  
 久厭塵邦本懷人外加以服膺常住諷味了因彌用  
 思齊每增求友常欲登却月之嶺蔭偃蓋之松挹璇  
 王之源解蓮華之劍藩維有限脫屣無由每坐向詡  
 之狀恒思管寧之榻夢匡山而太息想桓亭而延佇  
 白雲間之蒼江不極赤因抵掌我勞如何想無金玉  
 數在郵示弱水難航猶致書于青鳥流川弗遠佇芳

漢風雅





讓諸勸進  
差有遜讓  
之風而文  
亦冲雅

答勸進羣下初令

梁元帝

孤以不德天降之災枕戈飲膽扣心泣血孤樹之酷  
萬始不追霜露之哀百憂摠萃前聞伯弁之禍彌切  
仲謀之悲若封豕既殲長蛇即戮方欲追邈陵之逸  
軌繼子臧之高讓豈資秋亭之壇哀事繁陽之石矣  
景項籍也蕭棟殷辛也赤泉未賞劉邦尚曰漢王白  
旗弗懸周發猶稱太子飛龍之位孰謂可躋附鳳之  
徒既聞來議羣公卿士其論孤之志無忽

古文奇賞 卷十四

九

招隱逸教

梁安成王秀

夫鶉火之禽不匿影于丹山昭華之寶乍耀采于藍  
田是以江漢有濯纓之歌空谷著來思之詠弘風闡  
道靡不由茲處士河東韓懷明南平韓望南郡庾承  
先河東郭麻並脫落風塵高蹈其事兩韓之孝友純  
深庾郭之形骸枯槁或橡飯菁羹惟日不足或葭糲  
艾席樂在其中昔伯武貞堅就仕河內史雲孤劭屈  
志陳畱豈曰場苗實惟攻玉可加引辟并遣喻意既  
同魏侯致禮之請庶無辟疆三緘之歎

卷十四 梁昭明太子

此亦一麗人也文選  
來子瞻之  
駁著書難  
耶集書難

得疏知須詩苑英華及諸文製發函伸紙閱覽無輟  
雖事涉烏有義異擬倫而清新卓爾殊為佳作夫文  
典則類野麗亦傷浮能麗而不浮典而不野文質彬  
彬有君子之致吾嘗欲為之但恨未逮耳觀汝諸文  
殊與意會至于此書彌見其美遠兼遂古俯概典墳  
學以聚益居焉可賞吾少好斯文迨茲無倦談經之  
暇斷務之餘陟龍樓而靜拱掩鶴關而高臥與其飽  
食終日寧遊思於文林或日因春陽景物韶麗樹花

古文奇賞 卷十四

十

發鶯鳴和春泉生暄風至陶嘉月而嬉遊藉芳草而  
眺矚或朱炎受謝白藏紀時玉露夕流金風時扇悟  
秋士之心登高而遠託或夏條可結倦於邑而屬詞  
冬雪千里曙紛霏而興詠密親離則手為心使昆弟  
宴則墨以硯露又愛賢之情與時而篤冀同市駿庶  
匪畏龍不追子晉而事似洛濱之遊多愧子桓而興  
同漳川之賞漾舟玄圃必集應阮之儔徐輪博望亦  
招龍淵之侶校覈仁義源本山川旨酒盈壘嘉肴溢  
俎曜靈既隱繼之以朗月高春既夕申之以清夜並  
命連篇在茲彌博又往年因暇搜採其華上下數十

此是眞語  
凡博綜群  
書中鮮自  
得未有不  
類

年間未易詳悉猶有遺恨而其書已傳雖未為精覈亦相足諷覽集乃不工而並作多麗汝既須之皆遣送也某啓

昭明錦帶書十二月啓  
梅花舒兩歲之裝。稻葉泛三光之酒。正月

走野馬于桃源。飛少女于李徑。花明麗月。光浮寶氏之機。鳥弄芳園。韻響王喬之管。二月

鶴帶雲而成蓋。遙籠大夫之松。虹跨澗以成橋。遠現美人之影。三月

秋風振響。鶉鷺子夏之衣。夜月流輝。鵲繞將軍之樹。古文奇賞 卷十四 十一

學錦帶啓  
以見昭明  
之所就止  
此

四月 螢飛腐草。光浮帳裡之書。蟬噪繁柯。影入機之中。七月 桂花笑冷。白羽悲秋。八月

霜抱樹而擁柯。風拂林而下葉。九月

愁雲拂岫。帶枯葉以飄空。翔氣浮川。映危樓而疊迥。胡風起截耳之凍。趙日與曝背之思。牛衣當被畏

見。王章犢鼻親操。恐逢犬子。十月  
彤雲垂四面之葉。玉雪開六出之花。十一月

酌醇酒而據切骨之寒。遇獸岸而祛透心之冷。退龍劍而却步。月下開營。進鯨鼓而橫行。雲前起陣。十二月

勝誌相宜  
披碑器量  
高濬神氣  
披朗商響  
雅俗隱括  
具偽擢奇  
取異不軌  
常流其為  
文亦如此

齊宣德皇后臨朝答梁王令

梁任 昉

承○固○茲○謙○揖○未○膺○大○典○敬○復○雅○旨○良○有○懔○然○夫○至○寂○  
難○原○言○象○所○絕○教○思○有○律○感○通○斯○在○所○以○異○人○者○神○  
明○同○人○者○用○舍○王○誕○茲○土○睿○對○越○天○行○德○冠○二○儀○化○  
周○羣○動○生○民○以○來○一○人○而○已○但○達○節○弘○道○每○濡○跡○於○  
中○庸○神○照○惟○幾○不○抑○心○於○鑽○仰○范○宣○既○讓○其○下○取○則○  
况○聖○圖○睿○範○歌○思○是○歸○廉○約○雖○弘○慶○賞○逐○替○誠○賢○者○  
悅○義○長○難○進○之○風○不○肖○者○矜○功○沮○竭○力○之○効○勸○沮○之○  
間○所○差○已○遠○王○何○得○不○暫○紆○雅○尚○尤○答○天○人○使○朕○夜○  
艾○以○安○早○朝○有○預○今○遣○率○茲○百○辟○申○薦○誠○款○萬○致○一○  
古○文○奇○賞○ 卷○十○四

十三

塗煩言可畧

宣德皇后令

宣○德○皇○后○敬○問○具○位○夫○功○在○不○賞○故○庸○勛○之○典○蓋○闕○  
施○侔○造○物○則○謝○德○之○徒○已○寡○要○不○得○不○強○為○之○名○使○  
荃○宰○有○寄○公○實○天○生○德○齊○聖○廣○淵○不○改○參○辰○而○九○星○  
仰○止○不○易○日○月○而○二○儀○貞○觀○在○昔○晦○明○隱○鱗○戢○翼○博○  
通○羣○籍○而○讓○齒○乎○一○卷○之○師○劍○氣○凌○雲○而○屈○跡○於○萬○  
夫○之○下○辯○析○天○口○而○似○不○能○言○文○擅○雕○龍○而○成○輒○削○  
橐○爰○在○弱○冠○首○應○弓○旌○客○遊○梁○朝○則○聲○華○籍○甚○薦○名○  
宰○府○則○延○譽○自○高○隆○昌○季○年○勤○王○始○著○建○武○惟○新○締○

敘王文憲  
集五言心

雅未嘗顯  
其所長持

論從容未  
嘗言人所

短弘髮風  
流許爽氣

期量以丹  
膏之價弘

以皆異之  
類。進理  
常若可干  
臨事每不  
可奪約已  
不以廉物  
私量不以  
容非

構斯在功隆賞薄嘉庸莫疇一馬之田介山之志愈  
厲六百之秩大樹之號斯存乃擁旄司部代馬不敢  
南牧推轂樊鄧胡塵罕嘗夕起惟彼狡童窮凶極虐  
衣冠民絕禮樂崩喪既而鞠旅誓衆言謀王室自羽  
一麾黃鳥抵定甲既鱗下車亦瓦裂致天之界拱揖  
羣后豐功厚利亾得而稱是以祥光總至休氣四塞  
五老游河飛星入昴而地狹乎四履勢卑乎九伯帝  
有惡焉輶軒萃止今遺某位某甲等率茲百辟人致  
其誠庶匪席之旨不遠而復

為齊竟陵王世子臨會稽郡啟

古文奇賞 卷十四

十三

富室兼弁前史共蠹大姓侵威往哲攸疾而權豪之  
族擅割林池勢富之家專利山海至乃水稱峻巖巖  
我君后崇墉增仍內深神明出符大順火炎崑崙神  
岳崩潰蘭艾同燼玉石俱碎哲人遭命哀有餘慨  
為庾杲之與劉居士州書

與沈約論  
范僕射書  
破壁而穿  
死友之孤  
開門而延  
故人之殯  
眉樂永世  
清意永新  
因曰刀不  
以理有所

自別荆南迄將二紀杲之牽滯形有推遷物保文人  
沒志外身超然獨善雖心路咫尺而事阻山河悠悠  
白雲依然有道金涼佇運想恒納宜冲明在襟履候  
無爽體道為用蹈理則和杲之牽綴疲朽愧心已多  
訪德則山林宵然觀道則風雲自遠歲暮之期指塗

托中心自辨

騰吏入講學詩踐境

渴師巨臨政欽益友

野食願楨經終朝思

鞭帶

始高祖謂

朕曰我登

三府當以

卿為記室

助戲曰我

若登三事

書以卿為

騎兵謂高

祖善騎也

沈約一代

詞宗矣推

重之在任

清潔兒妾

登泰而已

衡岳神虛氣懋無待怡和江湖相摠安事行李司徒

竟陵王懋於神者言象所絕接乎士者遐邇所宗鍾

石非禮樂之本纓褐豈朝莖之謂想聞投之懷不以

形體為阻一日通籍梁邸親奉話言夢想清塵為歲

已積以大人非羔雁所榮故息蒲幣之典勝寄冥運

諒有風期之遲君王卜居郊郭紫帶川阜顯不絢功

晦不標迹從容乎人莖之間以窮二者之致且弘護

為心廣孚貞俗思聳繫表共剖衆心妙域筵山河虛

館帶川溪實望賁然少訓側遲昔東牟樂善旌君大

於東閣今王愛數致吾子於西山豈不盛歟百齡飄

古文奇賞 卷十四 十四

驟凝滯自物千載一朝為仁由已且零雪戒塗非滅

迹之郊鴻鐘在御豈銷聲之道已標異人之迹故有

同物之勞夫山水公情應之以會愛閑在我獨目蕭

修衡岳何親鍾嶺何薄想弘思有在不俟繁言

天監三年策秀才文 二首

問秀才朕長驅樊鄧直指商郊因藉時來乘此歷運

當展永念猶懷慙德何者百王之敝齊季斯甚衣冠

禮樂掃地無餘斷雕虺方經綸草昧採三王之禮冠

履麓分因六代之樂官判始辨而百度草創倉廩未

實若終畝不稅則國用靡資百姓不足則惻隱深慮

每時入芻藁。歲課田租。慨然疚懷。如憐赤子。今欲使  
朕無滿堂之念。民有家給之饒。漸登九年之蓄。稍去  
關市之賦。子大夫當此三道。利用賓王。斯理何從。佇  
聞良說。

王融策秀  
才文若問

允畢弄則  
橫議無已

冠笏不潔  
則坐談踈

積

問朕本自諸生。弱齡有志。閉戶自精。開卷獨得。九流  
七略。頗常觀覽。六莩百家。庶非墻面。雖一日萬幾。早  
朝宴罷。聽覽之暇。三餘靡失。上之化下。草偃風從。惟  
此虛寡。弗能動俗。昔紫衣賤服。猶化齊風。長纓鄴好  
且變。鄒俗雖德。慙往賢業。優前事且夫。搢紳道行。祿  
之。即此。利然也。朕傾心駿骨。非懼真龍。輜軒青紫。如拾地芥。

古文奇賞 卷十四

十五

明代宣德  
皇后令施  
作造物則  
謝德之途

已察亦弘  
發之至也

而情游廢業。十室而九鳴。烏蔑聞子。不作弘獎之  
路斯。既然矣。猶其寂寞。應有良規。  
為齊明帝讓宣城郡公第一表

臣鸞言。被臺召以臣為侍中。中書監。驃騎大將軍。開  
府儀同三司。揚州刺史。錄尚書事。封宣城郡開國公。  
食邑三千戶。加兵五千人。臣本庸才。智力淺短。太祖  
高皇帝。篤猶子之愛。降家人之慈。世祖武皇帝。情等  
布衣。寄深同氣。武皇大漸。實奉話言。雖自見之。明庸  
近所敬。愚夫一至。偏識量已。一至謂實不忍自困于  
綬衣之辰。拒違于玉几之側。遂荷顧託。導揚末命。雖



舊目述受  
高皇猶子  
之愛武皇  
顧托之命  
而嗣君見  
奔故輿不  
敢就取

齊竟陵文  
宣王行狀  
依林構宇  
倚岩築架  
清後與壺  
人爭且提

曠與素淵  
文輝置之  
虛室人野  
何辨  
明帝謚議  
君胸有緝  
紳之談鄉  
壁無橫議  
之士龍微  
全光之家  
恩絕椒風  
芝結

嗣君棄常獲罪宣德嗣君鬱林王宣德太后也王室不造職臣之  
由何者親則東牟劉任惟博陸霍徒懷子益光社稷  
之對何救昌邑賀爭臣之譏四海之議于何逃責且  
陵土未乾訓誓在耳家國之事一至于斯非臣之尤  
誰任其咎將何以肅拜高寢虔奉武園悼心失圖泣  
血待旦寧容後徽榮于家貶宴安于國危蹀躞上將  
之元勛神州楊儀形之列岳比于尚書古稱司會中  
書實管王言且虛飾寵章委成禦侮為臣知不愜  
物誰謂空但命輕鴻毛責重山岳存沒同歸毀譽一  
貫辭一官不減身累增一職已黷朝經便當自同體

古文奇賞 卷十四

國不為飾讓至于功均一匡賞同千室侯光宅近甸

奄有全邦限越為期不敢聞命亦願曲畱降鑿即垂

順許鉅平羊祐封鉅平子之懇誠彌固永昌庚亮封永昌公之丹襟

獲申乃知君臣之道縛有餘裕苟曰易路心事易為上所

敢守難奪故可庶心弘議酌已親物者矣不勝荷懼

屏營之誠謹附某官某甲奉表以聞

為范尚書讓吏部封侯第一表

臣雲言被尚書召以臣為散騎常侍吏部尚書封霄

城縣開國侯食邑千戶奉命震驚心顏無措臣雲頓

首頓首成罪成罪臣素門凡流輪翮無取進謝中庸

退慙狂狷固嘗鑽厲求學而一經不治篆刻爲文而  
三冬靡就負書燕魏空殫菽粟躡屩齊楚徒知貧賤

既而分虎出守以囊被見嗤王陽所載持斧作牧以  
惹改典訪赭衣爲虜見獄吏之尊除名爲民知井曰

之逸百年上壽既曰徒然如其誠說亦以過半亂離  
斯瘼欲以安歸閉門荒郊再離寒暑兼以東臯數畝

控帶明夕關外一區悵望鍾阜明夕謂海潮也雖室  
揚無趙女而門揚多好事祿微賜金疏廣而歡同娛

老折菱鄭燔枯蔡此焉自足陛下應期萬世接統千  
祀三千景附八百不謀臣孽等離心功慙同德泥首

古文奇賞 卷十四

在顏輿棺未毀締構草昧敢叨天功獄訟謳歌示同

民志而隆器大名一朝總集願已反躬何以臻此政  
當以接開白水列宅舊豐吳漢與光武同居白水鄉

與梁武居相近忘捨講之尤光武學存諸公之費光武與韓

俯拾青紫豈待明經臣雲頓首頓首子合買驢夫銓  
衡之重關諸隆替遠惟則哲在帝惟難漢魏以降達

識繼軌雅俗所歸唯稱許郭泰拔十得五尚曰比  
肩其餘得失未聞偶察童幼天機暫發願無足算在

魏則毛玠公方居晉則山濤識量以臣况之一何遠  
落齊季陵遲官方淆亂鴻都不綱西園成市金章有

盈筭之談華貂深不足之歎草創惟始義存改作恭  
已南面責成斯在豈宜妄加寵私以乏王事附蟬之  
飾空成寵章求之公私授受交失近世疾者功緒叅  
差或足食關中或成軍河內或制勝帷幄或門人加  
親或與時抑揚或隱若敵國或策定禁中或功成野  
戰或盛德如卓茂或師道如桓榮或四姓侍祠樊郭陰馬  
四戚已無足紀五侯王外戚且非舊章而臣之所附唯  
在恩澤既義異疇庸實榮垂儒者雖小人貪幸豈獨  
無心臣本自諸生家承素業門無富貴易農而仕乃  
祖玄平道風秀世爰在中典儀刑多士位裁元凱任

古文奇賞 卷十四

十八

止牧伯高祖少連夙秉高尚所富者義所乏者時薄  
宦東朝謝病下邑先志不忘愚臣是庶且去歲冬初  
國學之老博士耳今茲首夏將亞冢司雖千秋之一  
月九遷荀爽之十旬遠至方之微臣未能速達臣雖  
無識唯利是視至于虧名損實爲國爲身知其不可  
不敢妄冒陛下不棄菅蒯愛同絲麻倘平生之言猶  
在聽覽宿心素志無復貳辭矜臣所乞特廻寵命則  
彝章載穆微物知免臣今在假不容詣省不任荷懼  
之至謹奉表以聞

考能初與  
帝相知時  
有隱逸之  
言故云平  
生

爲蕭揚州作薦士表

齊司空  
江行狀云  
翰牘精粹  
發言有章  
持論從容  
辭無滌尚

序王文憲  
集檢政收  
歸人倫以  
表雲屋天  
構匠者何  
工又曰理  
積則神無  
忤往事感  
則悅情斯  
來

與江奇書  
馭二龍于  
表途明駢  
驟于千里

臣聞求賢暫勞垂拱永逸方之疏壤取類導川伏惟

陛下道隱流績信充符璽六飛同塵五讓高世自駒

空谷振鷺在庭猶懼隱鱗卜祝藏器屠保物色闕下

關今委裘河上晏子喻非取製于一狐諒求味于兼

采而五聲倦響九工是詢寢議廟堂借聽輿阜臣位

任隆重義兼家邦實欲使名實不違微侍路絕勢門

上品猶當格以清談英俊下僚不可限以位貌竊見

秘書丞琅瑯臣王暕年二十一字思晦七葉重光海

內寇冕七葉謂自王覽下神清氣茂允迪中和叔寶

珩理遣之談彥輔樂名教之樂故以暉映先達領袖

古文奇賞 卷十四 十九

後進居無塵雜家有賜書辭賦清新屬言玄遠室邇

人曠物疎道親養素丘園台階虛位庠序公朝此人

萬夫傾望豈徒荀令可想李公不亾而已哉前晉安

郡候官令東海王僧孺年三十五字僧孺理尚樓約

思致恬敏既筆耕為養亦傭書成學至乃集螢映雪

編蒲緝柳先言往行人物雅俗甘泉遺儀南宮故事

鄭畫地成圖抵掌可述豈直鼯鼠有必對之辯得鼠

質攸辨之竹書無落簡之謬嵩山科斗書踈坐鎮雅俗弘

益已多僧孺訪對不休質疑斯在並東序之秘寶瑚

璉之茂器誠言詎以人廢而才實世資臨表悚戰猶

懼未允不任下情

奏彈劉整

御史中丞臣任昉稽首言臣聞馬援奉嫂不冠不入  
汜毓字孤家無常子是以義士節夫聞之有立千載  
美談斯為稱首臣昉頓首頓首奏罪成罪臣謹案新  
除中軍參軍臣劉整閭閻茸名教所絕直以前代  
外戚仕因執矜惡積疊稔親舊側且禮絕通問叔嫂而  
妄肆醜辭終夕不寐第五倫而謬加大杖薛包分財取  
其老弱高鳳自穢爭訟寡嫂許與嫂訟遂不仕未見孟嘗之  
深心唯傲文通之偽迹昔人睦親衣無常主即汜毓也整

古文奇賞 卷十四

于

之撫姪食有故人何其不能折契鍾庾而稽帷交質  
折券棄債漢高祖從王媪武貫酒事也媪雖負鍾庾之多亦宜折券不論而整為六斗米而取嫂車帷為質人之無情一何至此實教義所不容紳冕所共棄  
臣等參議請以見事免整新除官輒勒外收付廷尉  
法獄治罪諸所連逮應洗之源委之獄官悉以法制  
從事婢采音不款偷車闌龍牽請付獄測實其宗長  
及地界職司初無糾舉及諸連逮請不足申盡臣昉  
誠惶誠恐頓首頓首成罪以聞

求為劉璉立館序

昔在魏中爰及晉始書貴虛玄人悅陶縱胡璉廢泗

乾坤一草  
亭何憂乎  
無居

上之容樽俎恣林下之適。春千秋羽委曠而弗陳。西  
序東膠寂寥而誰仰。所以金雞忘曉。玉羊失馭。神器  
毀于僊戍。寶曆遷于干越。豈不悲歎。劉瓛澡身浴德。  
修行明經。賤珪璧于光陰。竟松筠于歲晚。貧不隕獲。  
其心窮不二。三其操而困。無居止浮。寔親遊垣棟。傾  
鑽室衢。塾側有朋。自遠無用。栖憑皆負笈。檐登櫛風。  
沐露。瓛之器學無謝。前修輒欲與之周旋。開館招屈  
臣。第西偏官有閑地。北拒青山。南望通邑。雖曰人境。  
實少浮喧。廣輪裁盈數畝。布以施立。巖壑薄藝。桑麻  
粗創。茨宇。

古文奇賞 卷十四

劉先生夫人墓誌

王

既稱萊婦。亦曰鴻妻。復有令德。一與之齊。實佐君子。  
簪蒿杖藜。以蒿為簪。以藜為杖。儉也。欣欣負載。在冀之畦。居室有  
行。亟聞義讓。稟訓丹陽。劉恢。弘風丞相。王遵。籍甚二門。風  
流遠尚。肇允才淑。聞德斯諒。蕪沒鄭鄉。寂寥楊冢。四  
孔融深敬。鄭玄屣履。造門告高密。縣為玄特立一鄉。  
日鄭公卿。揚雄卒弟子。侯芭負土作墳。號曰玄冢。  
黍差孔樹。毫末成拱。暨啓荒塋。長扁幽隴。夫貴妻尊。  
誰爵而重。

穢然齊眉

吾弱年孤苦，傷無菽屬。往者將墜於地，邦閭屯遭。困於朝夕，崎嶇薄宦。事非爲已，望得小祿。傷此東歸，歲逾十稔。方黍襄陽縣，公私情計，非所了具。以身資物，不得不任人事。永明末，未出守東陽，意在止足。而建武肇運，人世膠加。一去不返，行之未易。及昏猜之始，王政多門，因此謀退。庶幾可果，託卿布懷於徐令。想記未忘。聖道聿興，謬逢嘉運。往志宿心，復成乖爽。今歲開元禮年，云至懸車之請。事由恩奪，誠不能弘。宣風政光，闡朝猷。尚欲討尋文簿，時議同異。而開年以來

古文奇賞 卷十四

三

形容衰窮  
情態筆下  
旋有化工

病增慮切，當由生靈有限，勞役過差。總此凋竭，歸之暮年。牽策行止，努力祇事。外觀傷覽，尚似全人。而形體力用，不相綜攝。常須過自束持，方可儻俛。解衣一臥，支體不復相關。上熱下冷，月增日篤。取爨則煩加寒，必利後差不及前。差後劇必甚前，赫百抽數旬。革帶常應移孔，以手握臂。率計月小半分，以此推算，豈能支久。若此不休，日復一日，將貽聖主不追之恨。冒欲表聞，乞歸老之秩。若天假其年，還得辛健才力，所堪惟思是策。

約久處端揆，有志台司，而帝終不用，乃求外出。又

不許與勉素善遂以書陳情於勉勉爲言於高祖  
請三司之儀弗許但加鼓吹而已

約暮年欲請歸秩故云百日數旬革帶尚應移孔  
以手握臂率計月小半分今詩人動引沈郎腰瘦  
豈不可笑○約報劉博士書句韻之間光影相照  
便照此地自然十倍故知麗辭之益其事宏多

桐柏山金庭館碑銘

夫生靈爲貴有識斯同道天云及終天莫反故仙學  
之秘上聖攸尊啓玉笈之幽文貽金壇之妙訣駐景  
濛谷還光上枝吐吸烟霞變練丹液出沒無方升降

古文奇賞 卷十四

三

自己下栖洞室上賓羣帝觀靈岳之驟啓見滄波之  
屢竭望玄州而駿驅指蓬山而永驚芝蓋三重駕螭  
龍之蜿蜒雲車萬乘載旗旆之逶迤此蓋栖靈五嶽  
未暨夫三清者也若夫上玄與遠言象斯絕金簡玉  
字之書玄霜絳雪之寶俗士所不能窺學徒不敢輕  
慕且禁誓嚴重志業艱劬自非天稟上才未易可擬  
自惟凡劣識鑿鮮方徒抱出俗之願而無致遠之力  
早尚幽栖屏棄情累畱愛巖壑託分魚鱗登會遠而  
靡倦年旣老而不衰高宗明皇帝以上聖之德結宗  
玄之念忘其菲薄曲賜提引來自夏洎固乞還山權



憇汝南縣境固非息心之地。聖主纘歷復蒙繫維永泰元年方遂初願遂遠出天台定居茲嶺所憇之山實惟桐柏實靈聖之下都五縣之餘地仰出星河上參倒景高崖萬沓邃澗千廻因高建壇憑巖考室飭降神之宇置朝禮之地桐相所在厥號金庭事曷靈圖因以名館聖上曲降幽情畱信彌密置道士十人用祈嘉祉越以不才首膺斯任永棄人羣竄景窮麓結懇志於玄都望霄容於雲路仰宣國靈介茲景福延吉祥于清廟納萬壽於神躬又願道無不懷澤無不至幽荒屈膝戎豸稽顙息鼓輟烽守在海外因此

古文奇賞 卷十四

十四

自勉兼遂微誠日久勤劬自強不已翹心屬念晚臥晨興食正陽于停午念孔神於中夜將三芝而延佇飛九丹而宴息乘鳧輕舉。晉鳥忌歸以茲丹轂表之玄極無曰在上曰鑒非遠銘石靈館以旌厥心其辭曰道無不在若存若亾於惟上學理妙羣方用之曰損言則非常儵焉靈化羽變霓裳九重崑崙三山璀璨日爲車馬芝成宮觀虹旌拂月龍輶漸漢萬春方牽千齡始且伊予菲薄竊慕隱淪尋師講造結友問津東採震澤西遊漢濱依稀靈春髮鬢幽人帝明紹歷惟皇纂位屬心鼎湖脫屣神器降命凡底仰祈靈

如此却是  
行

秘瞻彼高山典言覆篲啓基桐栢厥號金庭喬峰迥  
峭擘漢分星臨雲置擘駕岳開櫺網塗蹇產林祈葱  
菁誰謂應遠神道微密慶集宮闈祥流罕畢其久如  
地其恒如日壽同南山與天無卒吏生變煉外示無  
功少君飛轉密與神通因資假力輕舉騰空庶憑嘉  
誘永濟微躬

奏彈王源

給事黃門侍郎兼御史中丞吳典邑中正臣沈約稽  
首言臣聞齊大非偶鄭太子辭齊文姜著乎前誥辭霍不婚

疑不

垂稱徑烈若乃交二族之和辨伉合之義升降

古文奇賞 卷十四

五

此敘宋氏以來婚姻本無貴賤至梁則不可

胤隆誠非一揆固宜本其門素不相奪倫使秦晉有  
匹涇渭無舛自宋氏失御禮教彫衰衣冠之族日失  
其序姻婭淪雜罔計廝廢販鬻祖曾以為賈道明丹  
臚顏曾無愧畏若夫盛德之胤世業可懷樂郤之家  
前徽未遠既壯而室竊貲莫非阜隸結褵以行箕箒  
咸失其所志士聞而傷心舊老為之歎息自宸歷御  
寓弘革典憲雖除舊布新而斯風未殄陛下所以負  
屨興言思清敝俗者也臣實儒品謬掌天憲雖埋輪  
之志無屈權右而狐鼠微物亦蠹大猷風聞東海王  
源嫁女與富陽滿氏源雖人品庸陋冑雖參華曾祖

雅位登八命。祖少卿內侍。唯幄父培。升采儲闈。亦居清顯。源頻叨諸府戎禁。豫班通徹。而託姻結。好唯利。是求玷辱。流輩莫斯爲甚。源人身在遠。輒攝媒人。劉嗣之到臺。辨問嗣之。列稱吳郡滿璋之相承。云是高平舊族。寵奮胤胄。家計溫足。見託爲息。鸞覓婚。王源見告窮盡。卽索璋之簿。閱見璋之任王國侍郎。鸞又爲王慈。吳郡正閭主簿。源父子因共詳議。判與爲婚。璋之下錢五萬。以爲聘禮。源先喪婦。又以所聘餘直。納妾如其所列。則與風聞符同。竊尋璋之姓族。士庶莫辨。滿奮身殞。西朝胤嗣。殄歿。武秋之後。無聞東晉。

古文奇賞

卷十四

三

其爲虛託。不言自顯。王滿連。烟實駭物。聽潘楊之睦。有異于此。且買妾納媵。因聘爲資。施衿之費。化充牀第。鄙情贅行。造次以之。糾慝繩違。允茲簡裁。源卽主臣。謹案南郡丞王源。忝藉世資。得參纓冕。同人者貌異人者心。以彼行媒。同之抱布。且非我族類。往哲格言。薰不藉雜聞之前典。豈有六卿之胃。納女于管庫之人。管庫賤人也。宋子河魴。同穴于輿臺之鬼。輿臺賤高正也。門降衡。雖自己作。蔑祖辱親。于是爲甚。此風弗剪。其源遂開點。世塵家將。被比屋宜。寘以明科。黜之流位。使已污之族。永愧于昔辰。方媾之黨。革心于來日。

建平王讓右將軍荊州刺史表

梁江淹

茂寵迺臨炫奪彝典。巡恩鏡飾。攪情震慮。中臣聞該  
 秩詔序。匪賢莫能。乎其職。端維裂陝。非功無或。濫其  
 選。所以輪鞅國典。締結民紐。五威咸平。四精式訓。者  
 也。臣踐行迷方。試業敝繡。徒以綴采宗。享承渥帝席。  
 執圭戴筆。亟荷出內。至乃曳組河縣。蔑馴羽之化。鳴  
 環京轂。謝擇鱗之政。聲績兩無。風化雙缺。而龜鈕未  
 剔。璽書頻降。復改冊湘。區分瑞衡。服競無賈琮。交部  
 之廉。終乏郭伋。并壤之信。固以誼杳。民明湫隘。身諷  
 古文奇賞 卷十四 三  
 不悟皇璽再輝。河海重渥。遂踰恒采。安賁異等。荆門  
 務要。方城任積。水交沅澧。山通岷峨。襟帶百縣。縈抱  
 七州。上德懋助。妙居斯地。寧臣膠所宜。膺荷是以。焦  
 薄。寬色驚迫。心影謹刷。睿情置露。弱志伏願。陛下停  
 旒。弛琪誓。炤瑣曲。則鑄才式。弘練物。惟遠王度。既清  
 蒙識。以泰不勝。慙懔屏營之情。

蕭驃騎謝被侍中慰勞表

又議人尉

臣某言。即日侍中祕書監臣戰至。奉宣詔旨。慰勞便

趙魏未寘

受國中。帷練甲外。壘於塵蔽。景輿徒競。氣人懷秋。嚴

神州方賢

士蓄霜。斷晦。意已掩氛。豎未縣稽。鉞竚威寢。與震慨

恩樂盛猷  
願戶聲頌  
將陪雲駟  
以北守扈  
朝服以濟  
師乃為火  
雪庸誠微  
謝天眷耳

今王人臨郊。皇華降庭。輝耀望實。將激威武。戴鵬之  
夫迎光。蹀恩投石之師。攀炤竦惠。楚續越醪。方茲慙  
潤。臣忝屬闕私。彌抱渥洽。不任下情。

蕭被尚書敦勸重讓表

臣公言。臣五寫丹翹。宏蒙凝炤。一降王人。遂無燭察。  
復遣尚書。臣忝兼侍中。臣奐等奉宣慈靈。重賜勉誨。

鏡伏廻環。矧默失圖。心鬼交懷。淵谷匪譬。謝臣自初

被詔。迄于今時。載慙載疑。以悚以厲。豈非深恩。鴻典  
承憂。未躬故栗。瑟徒鳴。不傳廣樂之響。燈燼空舉。焉

續經星之耀。何則。卓乎小者。不足以任大守于蔽者。

古文音賞 卷十四

三八

不可以語通。臣器乏淵源。識暗機務。倫濟夷險。每憑  
璿曆之遠。龕折氛蜺。輒資羣才之效。臣寧有採奇鑒  
隱之能。綱國提民之功乎。不謂過延渥洽。謬攀河漢  
榮宗。蓋蓋寵華。曄映藉聲。探議共知其幸。况傳保之  
崇。殷周特貴。特司之寄。魏晉稱重。上昭妙德。次擬英  
助。有踰茲序。勦不紊裂。今陛下方闢金門之聽。調繡  
展之政。何得去禮廢雅。近於臣始。既亾前章。孰表後  
世。臣才孤位峻。待臯亾日矣。情哀。理感。事盡於斯。伏  
願一運天景。微見藿心。則物不逃形。臣何恨焉。不勝

焦憂狼狽之至

幽入重玄  
古來文之  
陶者惟江  
卷一人

建平王聘隱逸敕

騷振通風  
激身歸流

府州國紀綱夫。媯夏已沒。大道不行。雖周惠之富。猶有魚潭之士。漢教之隆。亦見栖山之夫。迹絕雲氣。意負青天。皆待絳螭驥首。翠虬來儀。是以遺風獨扇。百代餘烈。激厲後生。斯乃王教之助。古人之意焉。吾稅駕舊楚。憩乘汀潭。挹於陵之操。想漢陰之高。而山川遐久。流風亾沫。養志數人。並未徵采。善操將棄。良用慨然。宐速詳舊禮。各遣纁招。庶暢此幽襟。以旌蓬華。勅爲朝賢答劉休範書

昔媯道鼎昌于羽。未能載姬德。昭宣長旌。猶卷舒焚。古文奇賞 卷十四 二十九

衣毀冕有自來矣。皇皇宋靈武誕。命道鬱終。三后連光。四聖杳軌。或經天緯地。構紫靈之符。調風偃海。隆黃旗之祚。莫不頌滿。金石聲影。宇宙者也。暨我太宗明皇帝。惟岳降聖。重耀函夏。延禮壁臺。訪道衢宰。平陽之后。卷迹懸靈。空同之君。歛功謝德。是以彩雲祥風之瑞。布濩區中。梯山棧火之俗。款微請吏。跨商軼夏。洗周滌漢。道澤優衍。猶不道封禪。遐靈在天。餘惠無氓。主上文明。金相穆然。玉色履壁之禎。獲珪之應。著在紀歲。仁浸汚河。惠愛秋艸。想亦君之所眷也。重以先帝靈略。潛通莫響。遠馭受託。言必忠貞。方肅之臣。

高書符丹  
繼發煙素  
甲生波樓  
犀白羽投  
鞍成岳漁  
陽黑騎浴  
鐵魚群於  
長高山與  
汲谷共回  
紫芝與白  
艾同滅

奉風聲必虔恭匪懈之士明時琴瑟鼎鉉之盛且被  
於寧世而忽覲來書以惋以慨君爲齊梁楚越之主  
鼎貴一時金玉滿堂文馬千駟爵授湯沐冠蓋於道  
惟名尊崇誰與爲雄而出言効尤吐音入戾舉旗類  
社志竊神禁稱兵歛衆遂窺外關今朝無闕政頓構  
凌上之節室無夔暨坐生莫大之壘鳴梟赭衣號與  
徒黨主萃淵藪寧滋之甚不臧不軌不忠不義未有  
若斯者也宗枝之燬遠則吳楚見禽於一壁盤石之  
嬖近則江荆面縛於小將此成敗蘭艾之鑿又亦君  
之所知也聞彼此飲鼠舞之異蚤見物徵河北隴上  
古文奇賞 卷十四

三

患良助寒心今羽林黃頭駱驛爭引熊渠飲飛首尾  
電發伏波樓船掩江蔽汜渡遼甲卒充堊布隰加以  
先天蓋世之略蕩海振山之威任輔沛陳羽林鷁鵠  
露動龍驤精騎風驅然後六師雲起九軍星連蜺旌  
外江虹艦中水金甲映平陸鐵馬炤長原楚南岳而  
永慨瞰九孤而懷恐伐罪吊民復驗於茲甫刑三千  
惟此爲大僕才等不羈志瀝丹款故奏禍福行矣悵  
然袁褚劉肅等疏

暖遺波于  
通縉縉流  
鑿于遠歲  
欽 硯幽  
石委氣空  
山膚若流  
及身如絕  
聊

壁 上作山  
水好 越雲  
氣生焉

灑 風水上  
陽 深至公

友人袁炳字叔明陳郡陽夏人其人天下之士幼有  
異才學不覽文章俶儻清贍出一肯任心觀書不  
爲章句之學其篤行則信義惠和意罄如也常念蔭  
松柏詠詩書志氣跌宕不與俗人交俛眉暫仕曆國  
常待員外郎府功曹臨湘令粟之入者悉散以贍親  
其爲節也如此數百年來有此人焉至乃好妙賞文  
獨絕於世也又撰晉史奇功未遂不幸卒官春秋二  
十有八與予有青雲之交非直啣杯酒而已嗟乎斯  
才也斯命也天之報施善人何如哉何如哉

齊故司徒右長史檀超墓志文

古文奇賞 卷十四

惟金有銑惟玉有瑤若實淵哉行爲世標高志洒落  
逸氣寂寥與學內溢深文外昭嘉采籍譽登國振朝  
亦既有美筠傷蕙彫人邇運曠世促道遠永矣仁矣  
流芳亾澆

蕭驃騎祭石頭戰亾文

威告忠貞之蒐曰義惟行首雄實士節嗟爾驍驚稟  
才蹈烈守玉不渝懷水可折氣彰靡旗情激亂轍高  
彌摧堅巨醜挫銳深痛克矜冤靈及雪隆恩殊悼臨  
爾以殺千秋同盡百齡一世蒐而有知威無遠邇鳴  
呼哀哉



交通云所  
愛兩株樹  
千莖草之  
間耳文亦  
如是

淹者海濱窮火弋釣爲伍自度非奇力異才不足聞  
見於諸侯每承梁伯鸞臥於會稽之壑高伯達坐於  
華陰之山心常慕之而未能及也嘗感子路之言不  
拜官而仕無青組紫紱龜鈕虎符之志但欲史曆巫  
卜爲世俗賤事耳而彰然十載竟不免衣食之敗何  
則性有所短不可韋弦者有五一則體本疲緩臥不  
肯起二則人間應修酷嬾作書三則賓客相對口不  
能言四則性甚畏動事絕不行五則愚婞婁發輒被  
口語有五短而無一長豈可處人間邪知短而不可

古文奇賞 卷十四

三

易者所謂輪樞分定也猶如雞鶩之有毛不能得鸞  
鳳之光采矣况今年已三十自髮雜生長夜輾轉亂  
憂非一以溘至之命如星殞天促光半路不攀長意  
徒自欺取筋驚水冷殊多災恙心頑質堅偏好冥默  
既信神農服食之言久固天竺道士之說守清淨煉  
神丹心甚愛之行善業度一世意甚美之今但願捨  
薇藿誦詩書樂天理性斂骨折步不踐過失之地耳  
猶以妻孥未奪桃李須陰望在五畝之宅半頃之田  
鳥起簷上水匝階下則請從此隱長謝故人若乃登  
岷嶺度流沙餐金石讀仙經嘗聞其驗非今日之所

自寫照語  
交通云  
其奇者則  
以紫天爲  
字嬰海爲  
池便乎大  
真被髮行  
歌其大則  
委坐蒲席  
置臥雲窟  
朝餐松脂  
爰誦仙經  
其下則聲  
疾滅浦退

耕岩谷案  
樞絕管杜  
齋不出

言也誰謂難知青鳥明之貴布筆墨然亦焉足道哉  
淹少孤貧好學沈靜寡交游其自序云常慕司馬  
長卿梁伯鸞之徒所與神游者惟陳雷袁叔明而  
已為吳興令三載復還京師值世道已昏守志閒  
居不交當軸之士

淹嘗云為建安吳興令地在東南嶠外閩越之舊  
境也爰有碧水丹山珍木靈草皆淹生平所至愛  
不覺行路之遠矣山中無事與道書為偶乃悠然  
獨往或日夕忘歸放浪之際頗著文章自娛蓋史  
隱云

古文奇賞 卷十四

三三



情慾之萌如木之將槩火之始熒手可掣而斷露可  
 滴而滅及其熾也結條凌雲煽燦章華雖窮力運斤  
 竭池灌火而不能禁其勢盛也嗜慾之萌耳自可闔  
 而心意可鑰至于熾也雖襲情卷慾而不能收其性  
 敗也如能塞兌于未形禁慾于危微雖求悔愆其可  
 得乎防慾嬰兒傷人而被傷者不以為怨侏儒嘲人而  
 獲嘲者不以為辱何者挾利以為己有情于譽飽雖  
 蒙惠而非德無情於傷辱雖獲毀而無憾魚不畏網  
 而畏鵜復讐者不怨鎔錒而怨其人網無心而鳥有

古文奇賞

卷十四

三十四

情。劍。無。情。而。人。有。心。也。使。信。士。分。財。不。如。投。策。探。鈎。  
 使。廉。士。守。藏。不。如。閉。扃。全。封。何。者。有。心。之。于。平。不。若。  
 無。心。之。不。平。也。有。慾。之。于。廉。不。若。無。慾。之。不。廉。也。今。  
 人。目。若。驪。珠。心。如。權。衡。評。人。好。醜。雖。言。得。其。實。彼。必。  
 嫌。怨。及。其。自。照。明。鏡。箠。倒。其。容。醜。狀。既。露。則。內。慙。而。  
 不。怨。向。之。評。者。與。鏡。無。殊。然。而。向。怨。今。之。慙。者。以。鏡。  
 無。情。而。人。有。心。也。去未。有。不。因。學。而。鑒。道。不。假。學。以。  
 光。身。者。也。夫。蠶。繅。以。為。絲。織。為。縑。執。績。以。黼。黻。則。王。  
 侯。服。之。人。學。為。禮。儀。雕。以。文。藻。而。世。人。榮。之。蠶。之。不。  
 綠。則。素。絲。蠹。于。筐。籠。人。之。不。學。則。才。智。腐。于。心。胸。海。

神思論  
 翻空而易  
 奇言微矣  
 而難巧又  
 百理皆著  
 居貧時賦

蚌未剖則明珠不顯。崑竹未斷則鳳音不彰。性情未  
 鍊則神明不發。遠而光華者節也。近而愈明者學  
 也。夫還鄉者心務見家。不可以一步至也。慕學者  
 情纏典素。不可以一讀能也。崇夫兩葉掩目則冥默  
 無覩。雙珠填耳必寂寞。無聞葉作目蔽珠為耳鯁。二  
 關外擁視聽內隔故其宜也。而離婁察秋毫之末不  
 聞雷霆之聲。季子聽清角之韻。不見嵩岱之形。視不  
 關耳而耳不見聽。不關目而目不聞者何也。心溺秋  
 毫。意入清角。故也。專學今處顯而修善在隱。而為非是  
 清且寇履而昏夜裸跣也。荃蓀孤植。不以岩隱而歌

古文奇賞

卷十四

其芳。石泉潛流。不以澗幽而不清。人在暗密。豈以隱  
 翳而剋操。慎獨仁愛附人。堅于金石。金石可銷。而人不  
 可離。故君者壤也。人者卉木也。未聞壤肥而卉木不  
 茂。君仁而萬人不盛矣。愛民勢苟就壅。則口目雙掩。遇  
 必屬通。則聲眺俱明。故處亢大呼。聲鬱數仞。順風長  
 叫。響通百里。入井望天。不過圓蓋。登峯眺目。極于烟  
 際。向在井穴之時。聲非卒嘎。日非暴昧。而聞見局者  
 其勢壅也。及其乘風蹈峯。聲非孟賁。目非離婁。而響  
 徹眺遠者。其勢通也。買臣忍飢而行歌。王章苦寒而坐  
 泣。蘇秦握錐而憤懣。班超執筆而慷慨。當彼囚子

勢屈之時。容色薰黑。神情沮沮。言爲瓦礫。行成狂狷。髮露心憂。影銷貌悴。引歎而雷轉。噴氣則雲湧。如騏驥之伏于鹽車。玄猿之束于籠圈。非無千里之駛。萬仞之捷。然而不異羸鈍者。無所肆其巧也。何異處穴而望聲。徹入井而欲睇博哉。及其勢伸。志得。或佩錦而還鄉。或聲玉于廊廟。或合縱於六國之內。或懸旌于崑崙之外。當斯之時也。容彩光煖。神氣開發。言成金玉。行爲世則。乘肥衣輕。怡然自得。漂若輕鷗之汎長波。沛若吞舟之颶大壑。何異順風而縱聲登峯。而長曬。人猶是也。而昔如彼。今如此者。非謂昔愚而今

古文奇賞 卷十四

三五

賢。故醜而新美。壅之與通也。水之性清。動壅以堤。則波絰而氣腐。決之使通。循勢而行。從澗而轉。雖有朽骸爛卉。不能污也。非水之性異。通之與壅也。人之通猶水之通也。德如寒泉。假有沙塵。弗能污也。以是觀之。通塞之路。與榮悴之容。相去遠矣。通塞聖賢受天殊

相而生者也。舜目重瞳。是至明之相。而項羽玉莽亦

目重瞳子。越王勾踐。長頸烏喙。非善終之象。而夏禹

亦長頸烏喙。王莽之重瞳。譬駑馬有驥之一毛。而不

可謂之驥也。勾踐長頸烏喙。猶蛇有龍之一鱗。而不

可謂之龍也。命伏臘合歡。必歌採菱。牽石拖舟。則歌

噓。喚。非。無。激。楚。之。音。然。而。棄。不。用。者。方。引。重。抽。力。不。如。噓。喚。之。宜。也。卞。莊。子。之。昇。殿。庭。也。鳴。佩。趨。蹠。溫。色。怡。聲。及。其。搏。虎。必。攘。袂。鼓。肘。瞋。目。震。嘽。非。不。知。溫。顏。下。氣。之。美。然。而。不。能。及。者。方。格。猛。獸。不。如。攘。袂。之。宜。也。安。陵。神。童。逼。國。之。麗。也。八。音。繁。會。使。以。噓。吹。噴。聲。而。人。悅。之。則。不。及。瞽。師。侏。儒。之。美。馳。脚。之。珠。百。代。之。傳。寶。以。之。彈。錫。則。不。如。泥。丸。之。勁。也。棠。谿。之。劍。天。下。之。銘。也。用。之。穫。穗。曾。不。如。鈎。鎌。之。功。也。此。四。者。美。不。常。珍。惡。不。終。廢。用。各。有。宜。也。昔。野。人。弃。子。貢。之。辯。而。悅。馬。圍。之。辭。越。王。退。吹。籟。之。音。而。好。鄙。野。之。聲。非。子。貢。不。及。馬。圍。吹。籟。不。若。野。聲。然。而。美。不。必。合。惡。而。見。珍。者。物。各。有。用。也。若。使。甯。子。結。客。于。孟。嘗。則。未。免。追。軍。之。至。囚。繫。之。辱。也。若。使。雞。鳴。託。于。齊。桓。必。不。能。光。輔。于。霸。道。九。合。諸。侯。也。時。須。過。關。莫。若。雞。鳴。欲。隆。霸。主。莫。若。商。誥。商。誥。之。雅。而。雞。鳴。之。鄙。雖。美。惡。有。殊。至。于。適。理。排。難。其。揆。一。也。關。雎。興。于。鳥。而。爲。風。之。首。美。其。摯。而。有。別。也。鹿。鳴。興。于。獸。而。爲。雅。之。端。嘉。其。得。食。而。相。呼。也。夫。以。鳥。獸。之。醜。苟。有。一。善。詩。人。歌。詠。以。爲。美。談。奚。况。人。之。有。善。而。可。弃。乎。適。不。以。春。日。遲。遲。而。毀。羔。禰。秋。露。灑。葉。而。別。筭。席。一。世。之。聞。而。文。

而文武遠爲雄雌。以此言之。治亂異時。隨務用才也。

今代之人爲武者。則非文爲文者。則唯武。各執其所

長而相是非。猶以官笑。角以白非黑。非適才之情得

實之論也。文武。天有卷舌之星人。有緘口之銘。所以警

桃言防口詆也。慎言人目短于自見。故借鏡以觀形。髮

拙于自理。必假櫛以修束。心闇於自炤。則假言以策

行。貴言或怨大而成小。或憾輕而至重。深讐不必危。而

睚眦未可易也。譬如風焉。披雲飛石。捲水壓木。而人

血脉不爲之傷。隙穴之風。輕塵不連。毛髮不搔。及中

臙膚。以爲深疾。大不爲害。小而成患者。大風散漫。小

古文奇賞 卷之十四

風激射也。故漢祖免貫高之逆。魏后曹操泄張繡之

讐。韓信削少年之辱。安國釋田甲之慢。此皆遇英達

之王。寬廓之矜。得以深怨而不爲讐也。嘗酒薄而邯

鄲圍羊。羨偏而朱師敗。邱孫以鬪雞亡身。齊侯以笑

嬪破國。皆以輕蔑細怨。忘樹禍端。以酒食戲笑之。故

敗國滅身爲天下笑。不慎故也。慎累榭洞房。珠簾玉

晨人之所悅也。鳥入而憂。聳石巉巖。輪菌糾結。猿狖

之所便也。人上而慄。玉英六莖。咸池簫韶人之所樂

也。獸聞而振懸。瀨碧潭瀾。波洶湧。魚龍之所安也。人

入而畏。殊成務雖均。機速爲上。決謀或同。遲緩爲下。

何者才能成功以速爲貴智能決謀以疾爲奇也善齊事者若救火拯溺明其謀者猶驥捷矢疾今焚燃燹室則飛馳灌之湍波漂人必奔游拯之若穿井而救火則燹颺棟焚矣方鑿舟而拯溺則葬江魚之腹中矣貴速江河之流爛溺漂屍縱橫接連而人飲之者量大故也盆盂之水鼠尾一曳必嘔吐而棄之者量小故也枳棘之生數寸而抽枝椽樟之植百尺而蔭柯其何故耶豈非質小者而枝條蔭之而體大者節目疎乎是以達者之懷則澆澆而無涯徧人之情必刻覈而煩細量觀寒山有獸其名曰豹其角當心俯而

古文奇賞

卷十四

三

磨之憤心而死矣淵有鳥其名曰梟偃伏其子百日而長羽翼旣成食母而飛蜀侯之貪石牛牛逾近而身轉危何異貍磨其角角逾利而身速亾乎白公之貪財財逾積而身逾滅何異梟之養子子逾長而身就害也是以達人覩禍福之機鑒成敗之源不以苟得自傷不以過忝自害老子云多藏必厚亾禮云積而能散皆明止足之分祛貪忝之萌也貪愛賞者所以辯情也評者所以繩理也賞而不正則情亂于實評而不均則理失其真理之失也由于貴古而賤今情之亂也在乎信耳而棄目古今雖殊其迹實同耳目



桑子芳心  
腹口能止  
埋道過別  
浮游其謂  
西漢以來  
悉宗屈騷  
此隻眼也

誠異其識則齊識齊而賞異不可以稱正迹同而評  
殊未得以言評評正而賞翻則情理並亂也正賞梗柎  
鬱。蹙。以。成。纒。錦。之。瘡。蚌。蛤。結。疔。而。銜。明。月。之。珠。焉。激  
則。能。翔。青。雲。之。際。矢。驚。則。能。踰。白。雪。之。嶺。激通今。人。進  
不。知。退。鳧。腐。榮。華。割。絕。嗜。慾。被。麗。絃。歌。取。媚。泉。石。退  
不。能。披。策。樹。勳。毗。贊。明。時。空。蝗。梁。黍。枉。沒。歲。華。生。為  
無。聞。之。人。沒。成。一。棺。之。土。亦。何。殊。草。木。自。生。自。死。者  
哉。歲。之。秋。也。涼。風。鳴。條。清。露。變。葉。則。寒。蟬。抱。樹。而。長  
叫。吟。烈。悲。酸。蟬。近。秋。而。悲。怨。瑟。于。落。日。之。際。何。也。哀  
其。時。命。迫。于。嚴。霜。而。寄。悲。于。苑。柳。今。日。向。西。峯。道。業

古文奇賞 卷十四

單

未。就。鬱。聲。于。窮。岫。之。陰。無。聞。于。休。明。之。世。已。矣。夫。亦  
奚。能。不。需。衿。于。將。來。染。意。于。松。烟。者。哉。惜時忠。孝。者。百  
行。之。寶。歟。忠。孝。不。修。雖。有。他。善。則。猶。玉。屑。盈。匣。不。可  
琢。為。珪。璋。剉。絲。滿。篋。不。可。織。為。綺。綬。雖。多。亦。奚。以。為  
也。枯。朽。生。于。英。華。英。華。歸。于。枯。朽。山。抱。玉。故。鑿。之  
江。懷。珠。則。竭。之。豹。佩。文。則。剝。之。人。含。智。則。嫉。之。智。能  
知。人。不。能。自。知。神。能。衛。人。不。能。自。衛。故。神。龜。以。智。見  
灼。靈。虵。以。神。見。爆。孰。知。不。智。為。智。不。神。為。神。乎。妨。必  
假。物。而。物。非。生。妙。巧。必。因。器。而。器。非。成。巧。言苑

在北齊與楊僕射書

徐陵

陵叩頭叩頭夫一言所感凝暉照於魯陽一志冥通  
飛泉涌於疏勒况復元首康哉股肱良哉鄰國相聞  
風教相期者也天道窮剝鍾亂本朝情計馳惶公私  
哽懼而骸骨之請徒淹歲寒顛沛之所空盈卷軸是  
所不圖也非所仰望也執事不聞之乎昔分鼇命鳳  
之世觀河拜洛之年則有日烏流災風禽騁暴天傾  
西北地缺東南盛早坼三川長波含五嶽我大梁應  
金圖而有亢纂玉鏡而猶屯何則聖人不能爲時斯  
固窮通之恒理也至知荊州刺史湘東王機神之本

古文奇賞

卷十四

四十一

清理名言

無寄名言陶鑄之餘猶爲堯舜雖復六代之舞陳于  
總章九州之歌登於司樂虞夔拊石晉曠調鐘未足  
頌此英聲無以宣其盛德者也若使郊禋楚翼寧非  
祀夏之君哉定艱難便是匡周之霸豈徒幽王徙雍  
朞月爲都姚帝遷河周年成邑方今越裳藐藐馴雉  
北飛肅春苾苾風牛南偃吾君之子舍識知歸而答  
旨云何所投身斯其未喻一也又晉熙等郡皆入貴  
朝去我潯陽經塗何幾至于鏘鏘曉漏的的宵烽隔  
激浦而相聞臨高臺而可望泉流寶盃遙憶溢城峰  
號香鱸依然盧嶽日者郟陽嗣王治兵滙派屯戍淪

字含風雅

媚娜之甚  
如絮舞風

波朝夕賤書。春秋方物。吾無從以躡屩。彼何路而齊  
鑣。豈其然乎。斯不然矣。又近者邵陵王通。和此國郢  
中。上客雲。聚魏都。鄴下名卿。風馳南浦。豈盧龍之徑  
於彼。新開銅駝之街。於我長閉。何彼途甚易。非勞於  
五丁。我路爲難。如登於九折地。不私載何。其爽歟。而  
答旨云。還路無從。斯所未喻。二也。晉熙廬江義陽安  
陸。皆云。款附非復危邦。計彼中途。便當靜晏。自斯以  
北。桴鼓不鳴。自此以南。封疆未一。如其境外。脫頰輕  
軀。幸非邊吏之羞。何在匹夫之命。又此段賓遊。通無  
貨殖。忝非韓起。聘鄭私買玉環。吳札過徐。射要寶劍。

古文奇賞 卷十四

四三

由來宴錫。凡厥囊裝。行役淹留。皆已虛罄。散有限之  
微財。供無期之久客。斯可知矣。且據圖。刎首愚者。不  
爲運斧。全身庸流。所鑒何則。生輕一髮。自重千鈞。不  
以賈盜明矣。骨肉不任充鼎俎。皮毛不足入貨財。盜  
有道焉。吾無憂矣。又公家遣使。脫有資須。本朝非隆  
平之時。遊客豈皇華之勢。輕裝獨宿。非勞聚櫟之儀。  
微騎間行。寧望轡軒之禮。歸人將從。私具驢騾。緣道  
亭郵。唯希蔬粟。若曰。畱之無煩。於執事。遣之有費。於  
官司。或以顛沛爲言。或云資裝可懼。固非通論。皆是  
外篇斯所未喻。三也。又若以吾徒應還。侯景侯景。凶

逆。殲。我。國。家。天。下。含。靈。人。懷。憤。厲。既。不。獲。投。身。社。稷。  
衛。難。乘。輿。四。冢。磔。蚩。尤。千。刀。刺。王。莽。安。所。謂。俛。首。顛。  
膝。歸。奉。寇。讐。佩。弭。腰。鞬。爲。其。皂。隸。日。者。通。和。方。敦。曩。  
睦。凶。人。狙。詐。遂。駭。狼。心。頗。疑。朱。萬。之。誅。彌。懼。荀。韓。之。  
請。所。以。奔。蹄。勁。角。專。恣。憑。陵。凡。我。行。人。偏。膺。讐。憾。政。  
復。菹。筋。醢。骨。抽。舌。探。肝。於。彼。凶。情。猶。當。未。雪。海。內。之。  
所。知。也。君。侯。之。所。具。焉。又。聞。本。朝。王。公。都。人。士。女。風。  
行。雨。散。東。播。西。流。京。邑。丘。墟。蓊。蓬。蕭。瑟。偃。師。還。望。咸。  
爲。草。萊。霸。陵。回。首。俱。沾。霜。露。此。又。君。之。所。知。也。彼。以。  
何。義。爭。免。寇。讐。我。以。何。親。爭。歸。委。質。昔。鉅。平。貴。將。懸。

古文奇賞 卷十四

聖三

重。於。陸。公。叔。向。名。流。深。知。於。禮。篋。吾。雖。不。敏。常。慕。前。  
修。不。圖。明。庶。有。懷。翻。其。以。此。量。物。昔。魏。氏。將。亾。羣。凶。  
挺。爭。諸。賢。勳。力。想。得。其。朋。爲。葛。榮。之。黨。邪。爲。邢。杲。之。  
徒。邪。如。曰。不。然。斯。所。未。喻。四。也。假。使。吾。徒。還。爲。凶。黨。  
侯。景。生。於。趙。代。家。自。幽。恒。居。則。台。司。行。爲。連。率。山。川。  
形。勢。軍。國。彝。章。不。勞。請。箸。爲。籌。便。當。屈。指。能。算。重。以。  
通。逃。小。醜。羊。豕。同。羣。身。寓。江。臯。家。畱。河。朔。春。春。井。井。  
如。鬼。如。神。其。不。然。乎。抑。又。君。之。所。知。也。且。夫。宮。闈。祕。  
事。並。若。雲。霄。英。俊。許。謨。寧。非。幃。幄。或。陽。驚。以。定。策。或。  
焚。藁。而。奏。書。朝。廷。之。士。猶。難。參。預。羈。旅。之。人。何。階。耳。

目至於禮樂沿革刑政寬猛則謳歌已遠萬舞成風  
不知手之舞之足之蹈之也安在搖其牙齒爲間諜  
者哉若謂復命西朝終奔東虜雖齊梁有隔尉侯奚  
殊豈以河曲之難浮而曰江關之可濟河橋馬度寧  
非宋典之姦關路雞鳴皆曰田文之客何其通蔽乃  
爾相妨斯所未喻五也又兵交使在雖著前經儒同  
徇僕之尤追肆寒山之怒則凡諸元帥並釋縲囚爰  
及偏裨同無剪馘乃至鍾儀見赦朋笑遵途襄老蒙  
歸虞歌引路吾等張旆式玉修好尋盟涉泗之與浮  
河郊勞至於贈賄公恩旣被賓敬無違今者何慙翻

古文奇賞 卷十四

蒙貶責若以此爲言斯所未喻六也若曰祇氛永久  
喪亂悠然哀我奔波存其形鬼固已銘茲厚德戴此  
洪恩譬渤澥而俱深方嵩華而猶重但山梁飲啄非  
宋表一〇派有意於樊籠江海飛浮本無情於鐘鼓况吾等營蒐  
已謝餘息空留悲默爲生何能支久方則雖蒙養護  
更天年若以此爲言斯所未喻七也若云逆豎殲  
夷當聽反命高軒繼路飛蓋相隨未解其言何能善  
諱夫屯亨治亂豈有意於前期謝常侍今年五十有  
指點年華亦成文一吾今年四十有四介已知命賔又杖鄉計彼侯生  
肩隨而已豈銀臺之要彼未從師金竈之方吾知其

訣政恐南陽菊水竟不延齡東海桑田無由行望若  
以此爲言斯所未喻八也是下清襟勝託書圍文林  
凡自洪荒終乎幽厲如吾今日寧行其人爰至春秋  
微宜商略夫宗姬矜墜霸道昏凶或執政之多門或  
陪臣之涼德故臧孫有禮翻囚與國之賔周伯無德  
空怒天王之使遷箕卿於兩館繫驥子於三年斯匪  
貪亂之風邪寧當今之高例也至於雙嶠且帝四海  
爭雄或構趙而侵燕或連韓而謀魏身求盟於楚殿  
躬奪璧於秦庭輸寶鼎以託齊王馳安車而誘梁客  
其外膏脣販舌分路揚鑣無罪無辜如兄如弟逮乎

古文奇賞 卷十四

聖

中陽受命天下同規巡省諸華無聞幽辱及三方之  
霸也孫甘言以斌媚曹屈許以羈縻於軫歲到於句  
吳寇蓋年馳於庸蜀則客嘲殊險實戲已深其盡遊  
談誰云猜忤若使搜求故實脫有前蹤恐是叔世之  
姦謀而非爲邦之勝略也抑又聞之雲師火帝澆淳  
乃異其風龍躍麟驚王霸雖殊其道莫不崇君親以  
詔物敦敬養以治民預有邦司曾無隆替吾奉違溫  
清仍屬亂離寇虜猖狂公私播越蕭軒靡御王舫誰  
持瞻望鄉關何心天地自非生憑廩竹源出空桑行  
路合情猶其想愍常謂擇官而仕非曰孝家擇事而

趨非云忠國况乎欽承有道驟駕前王郎吏明經鵠  
爲知禮廵方省化咸問高年東序西膠皆尊者耄吾  
以圭璋玉帛通聘來朝屬世道之屯期鍾生民之否  
運兼年累載無申元直之祈銜泣吞聲長對公閭之  
怒情禮之訴將同逆鱗忠孝之言皆應辭舌是所不  
圖也非所仰望也且天倫之愛何得忘懷妻子之情  
誰能無累夫以清河公主之貴餘姚書佐之家莫限  
高卑皆被驅略自東南醜虜抄販饑民臺署郎官俱  
餒墻壁况吾生離死別多歷暄寒孀室嬰兒何可言  
念如得身還鄉土躬自推求猶冀提携俱免凶虐夫

古文奇賞 卷十四

四六

英雄

良相足下高才重譽叅贊經綸非虎非豹聞詩聞禮  
而中朝大議曾未矜論清禁嘉謀安能相及謬謬非  
周舍容容類胡廣何其無諍臣哉歲月如流平生何  
幾晨看旅雁心赴江淮昏望牽牛清馳揚越朝千悲  
而掩泣夜萬緒而回腸不自知其爲生不自知其爲  
死也足下素挺詞鋒兼長理窟匡丞相解頤之說樂  
令君清耳之談向所諮疑誰能曉諭若鄙言爲戮來  
旨必通分請灰釘甘從斧鑊何但規規默默齟舌低  
頭而已哉若一理存焉猶希矜眷何必期令我等必

死齊都足趙魏之黃塵加幽并之片骨遂使東平拱樹長懷向漢之悲西洛孤墳恒表思鄉之夢于祈以屢哽慟增深徐陵叩頭再拜

北齊書楊愔字遵彥弘農華陰人天保中為尚書右僕射太清二年徐陵副謝珽奉使於魏本朝隨有侯景之亂會齊受魏禪梁元承制江陵復通使於齊陵累求復命終拘留不遣乃致書僕射楊愔乞歸愔竟不報書及江陵陷齊送貞陽侯蕭淵明為梁嗣遣陵隨還○陵字孝穆氣局深遠清簡寡欲為一代文宗

古文奇賞 卷十四

玉臺新詠序

東坡湖上詩文字帶芳鮮此文似之

凌雲概日由余之所未窺千門萬戶張衡之所曾賦周王璧臺之上漢帝金屋之中玉樹以珊瑚作枝珠簾以玳瑁為柙其中有麗人焉其人也五陵豪族充選掖庭西姓良家馳名永巷亦有潁川新市河間觀津本號嬌娥會名巧笑楚王宮內無不推其細腰魏國佳人俱言訝其纖手閱詩敦禮非直東鄰之自媒婉約風流無異西施之被教弟兄協律自小學歌少長河陽由來能舞琵琶新曲無待石崇筵篋雜引非因曹植傳鼓瑟於楊家得吹簫於秦女至若寵聞長



伏知道爲  
王寬與嬪  
書輕扇初  
開欣看笑  
歷長眉始  
垂愁對誰  
社又云鏡  
臺新去應  
猶未徒定  
有餘烟淚  
滴芳衾錦  
花長濕愁  
麗玉軫疑  
舞怕驚並  
一時最艷

樂陳后知而不平畫出天仙闕氏覽而遙妬且如東  
隣巧笑來侍寢於更衣西子微顰將橫陳於甲帳陪  
游馭娑騁纖腰於結風長樂鴛鴦奏新聲於度曲粧  
鳴蟬之薄鬢照墮馬之垂鬟反插金鈿橫插寶樹南  
都石黛最發雙蛾北地燕脂偏開兩靨亦有嶺上仙  
童分丸魏帝腰中寶鳳授曆軒轅金星與婺女爭華  
靡月共嫦娥競爽驚鸞浴袖特飄韓豫之香飛燕長  
裾空結陳王之佩雖非圖畫入甘泉而不分言異神  
仙戲陽臺而無別真可謂傾國傾城無對無雙者也  
加以天情開朗逸思影華妙解文章尤工詩賦琉璃

古文奇賞 卷十四

聖

硯匣終日隨身翡翠筆牀無時離手清文滿篋非惟  
芍藥之花新製連篇寧止蒲萄之樹九日登高時有  
綠情之作萬年公主非無累德之辭其佳麗也如彼  
其才情也如此既而椒房宛轉栝館陰岑絳鶴晨嚴  
銅蠡畫靜三星未夕不事懷衾五日猶餘誰能理曲  
優游少託寂寞多閒歷長樂之疎鐘勞中宮之緩箭  
輕身無力怯南陽之擣衣生長深宮笑扶風之織錦  
雖復投壺玉女爲歡盡於百驍爭博齊姬心賞窮於  
六著無怡神於暇景惟屬意於新詩可得代彼豈蘇  
微蠲愁疾但往世名篇當今巧製分諸麟閣散在鴻

都不藉篇章無由披覽於是燃脂暝寫弄墨晨書撰  
錄艷歌凡爲十卷曾無參於雅頌亦靡濫於風人涇  
渭之間若斯而已於是麗以金箱裝之寶軸三臺妙  
迹龍伸蠖屈之書五色花箋河北膠東之紙高樓紅  
粉仍定魯魚之文辟惡生香聊防羽陵之蠹雲飛六  
甲高擅玉函鴻烈仙方長推丹枕至如青牛帳裏餘  
曲既終朱鳥牕前新粧已竟方當開茲縹帙散此緇  
繩永對玩於書帷長循環於纖手豈如鄧學春秋儒  
者之功難習竇傳黃老金丹之術不成固勝西蜀豪  
家託情窮於魯殿東臺甲館流詠止於洞簫變彼諸

古文奇賞

卷十四

四

姬聊同棄日猗與彤管麗矣香奩

隋經籍志玉臺新詠十卷徐陵撰起古詩古樂府  
盡梁代

繡口錦心又香又艷文士浪稱才情顧此應愧

丹陽上庸路碑

在天成象咸池屬於五潢在地成形滄海環於四瀆  
國險者固其金湯儲蓄者因於轉漕貨財爲禮專俟  
會通厥田爲上皆資滲漉大矣哉坎德之爲用也是  
以握圖之主財以利民御斗之君因之顯教上哉少  
昊初命水官述矣高陽爰重冥職舜爲太尉于是九

澤載疏禹作司空然後百川咸導開華山於高掌鑿  
靈沼於周源莫匪神功皆由聖德我大梁之受天明  
命勞已濟民有道稱皇無爲曰帝若夫雲雷草創翦  
商黜夏之勲鑄寶鼎於昆吾安能紀陳鴻鍾於鄴  
岳豈易揄揚斯固名言之所絕也及乎膺斯寶運大  
拯橫流屈至道於汾陽勞凝神於藐射聖人作樂蕭  
韶備以九成喆王盡禮春官總於三代豈止金門桴  
竹玉尺調鍾公帶獻明堂之圖匡衡建后土之議若  
斯而已矣天降丹鳥旣序孝經河出應龍乃私周易  
若夫固天將聖垂意藝文五色相宣八音繁會不穆

古文奇賞

卷十四

五十

詩賦亦  
不在此

漏刻纔命口占御紙風飛天章海溢皆紫庭黃竹之  
詞晨露卿雲之藻漢之兩帝徒有詠歌魏之三祖空  
云詩賦以爲彭老之教終沒愛河儒會之宗方難大  
宅豈如五詩八會之殊文天上人中之妙典雪山羅  
漢爭造論門鷲嶺名僧俱傳經藏香像之力特所未  
勝秋兔之臺書而莫盡忠信爲寶禳祈免於白駒明  
德惟馨山川舍於駢犢至如月離金虎泥染石牛會  
蔚朝興滂沱晚注而清蹕纔動織羅不搖高閣將臨  
油雲自闕陽烏馭日寧懼武賁之弓飛雨彌天無待  
期門之蓋震維舉德非曰尚年若發居鄴猶並在漢

却是編環  
序

濤如白馬。旣礙廣陵之江山。日金牛。孰辨梅湖之路。  
專州典郡。青鳧赤馬之船。皇子天孫。鳴鳳飛龍之乘。  
莫不欣斯利涉。玩此修渠。乍擁揖而長歌。乃縱金而  
鳴籟。斯實曠世之奇功。無疆之鴻烈。

答尹義尚書

別離二國。雲雨十年。心想河陽。言銅爵而無遠。神遊  
漳水。與金鳳而俱飛。第留連河北。義等周南。懷此姝  
才。實可傷歎。吾唵。嗟旣暮。容鬢凋然。風氣彌雷。砭藥  
無損。追惟疇昔。共備行人。家國安危。賓禮升降。懸壺  
代哭。俱歷春冬。移管于箕。同茲辛苦。鳴蜩抱樹。亟見

古文奇賞

卷十四

五

藏米歸鴈。銜蘆多歷。寒食靜言。念此如何。可忘夫以  
擁腫之木。得免因於下才。殼觫之牛。自保由於無用。  
嗟余鄙陋。未有龔生。唯歎吾賢。不同蘧瑗。爾夫推溝  
拯溺。無切皇衷。逸翮飄鱗。見優機斃。所以降尺一之  
書。馳輶軒之使。心期與國。必遂還途。寧謂親鄰。更成  
難請。伊昔梁朝。共奉嘉聘。張茲大帛。處彼高閔。庭奏  
歌鍾。座延嬌媢。賓客之敘。方於階阼。田獵之禽。同於  
君膳。正以鄉關阻亂。致爾拘留。家國隆平。義應旋反。  
韓宣屢至。宰孔頻還。翻爾遲迴。豈云鄰睦。

戒子書

徐勉

嘗讀鄭玄戒子書徒以匹親墳雖未成所好琴書率得于禮堂寫定傳與其人又曰菲飲食薄衣服節夫二者尚令吾寡根蓋誠篤真至有道之言也

吾家本清廉故常居貧素至於產業之事所未嘗言非直不經營而已薄躬遭逢遂至今日尊官厚祿可謂備之每念叨竊若斯豈由才致仰藉先門風範及以福慶故臻此爾古人所謂以清白遺子孫不亦厚乎又云遺子黃金滿籬不如一經詳求此言信非徒語吾雖不敏實有本志庶得遵奉斯義不敢墜失所以顯貴以來將三十載門人故舊承薦便宜或使制闕田園或勸興立邸店又欲舳舻運致亦令貨殖聚斂若此衆事皆距而不納非謂拔葵去織且欲省息

古文奇賞 卷十四

五

紛紜中年聊于東田開管小園者非存播藝以要利政欲穿池種樹少寄情賞又以郊際閑曠終可爲宅倘獲懸車致事實欲歌哭于斯慧日十住等旣應營昏又須住止吾清明門宅無相容處所以爾者亦復有以前割西邊施宣武寺旣失西廂不復方幅意亦謂此逆旅舍爾何事須華常恨時人謂是我宅古往今來豪富繼踵高門甲第連闔洞房宛其死矣定是誰室但不能不爲培塿之山聚石移果雜以花卉以娛休沐用託性靈隨便架立不存廣大唯功德處小以爲好所以內中逼促無復房宇近修東邊見孫二

宅乃藉十住南還之資其中所須猶爲不少既牽挽  
不至又不可中途而輟郊間之園遂不辦保貨與韋  
黯乃獲百金成就兩宅已消其半尋園價所得何以  
至此由吾經始歷年粗已成立桃李茂密桐竹成陰  
脰陌交通渠畎相屬華樓廻榭頗有臨眺之美孤峰  
叢薄不無糾紛之興瀆中並饒荷菝湖裏殊富芰蓮  
雖云人外城闕密邇韋生欲之亦雅有情趣追述此  
事非有吝心蓋是事意所至爾憶謝靈運山家詩云  
中爲天地物。今成鄙夫有吾此園有之二十載今爲  
天地物物之與我相校幾何哉此直所餘今以分汝

古文奇賞

卷十四

五

營小田舍親累旣多理亦須此且釋氏之教以財物  
謂之外命外典亦稱何以聚人曰財况汝常情安得  
忘此聞汝所買湖熟田地甚爲烏鹵彌復可安所以  
如此非物競故也雖事異寢丘聊可髣髴孔子曰居  
家理事可移於官旣已營之宜使成立進退兩亾更  
貽耻笑若有所收穫汝可自分瞻内外大小宜令得  
所非吾所知又復應需之諸女爾汝旣居長故有此  
令升爲人長殊復不易當使中外咸緝人無間言先  
物後已然後可貴老子云後其身而身先若能爾者  
更招巨利汝當自勗見賢思齊不宜忽略以棄日也

棄日乃是棄身。身名美惡豈不大哉。可不慎歟。今之所勅略言此意。政謂爲家以來不事資產。豎立墅舍。似垂舊業。陳其始末。無愧懷抱。兼吾年時朽暮。心力稍單。牽課奉公。略不克舉。其中餘暇。裁可自休。或復冬日之陽。夏日之陰。良辰美景。文案閒隙。負杖躡屐。逍遙陋館。臨池觀魚。披林聽鳥。濁酒一杯。彈琴一曲。求數刻之暫樂。庶居常以待終。不宜復勞家間細務。汝交關既定。此書又行。凡所資須付給。如別自茲以後。吾不復言及田事。汝亦勿復與吾言之。假使堯水湯旱。豈如之何。若其滿庾盈箱。爾之幸遇如斯之事。

古文奇賞 卷十四

五古

過並無俟令吾知也。記云。夫孝者善繼人之志。善述人之事。今且望汝全吾此志。則無所恨矣。

勉雖居顯職。不營產業。家無蓄積。奉祿分贍親族之貧乏者。門人故舊。或從容致言。勉乃答曰。人遺子孫以財。我遺之清白子孫才也。則自致輜翰。如不才終爲他有嘗爲書戒其子云。

與陳徐僕射求王琳首書

朱 瑒

竊以朝市遷貿傳骨鯁之風歷運推移表忠貞之跡  
故典午將滅徐廣爲晉家遺老當塗已謝馬孚稱魏  
室忠臣用能播美前書垂名後世梁故建寧公琳洛  
濱餘胄沂州舊族立功代邸効績中朝當離亂之辰  
總方伯之任輕躬殉主以身許國而天厭梁德尚思  
匡繼徒蘊苞胥之念終邁萇弘之青泊王業光啓鼎  
祚有歸於是遠跡東山寄命河北雖輕旅臣之歎猶  
懷客卿之禮感茲知已忘此捐軀至使身沒九泉頭  
行萬里誠復馬革裹屍遂其生平之志原野暴骸會  
古文奇賞 卷十四 五十五

彼人臣之節然身首異處有足悲者封樹靡卜良可  
愴馬場早筵未僚預叅下席降薛君之吐握荷魏公  
之知遇是用霑巾兩袂痛可識之顏回腸疾首切猶  
生之面伏惟聖恩博厚明詔爰發赦王經之哭許田  
橫之葬瑒雖匆賤竊亦有心琳經蒞壽陽頗存遺愛  
曾遊江右非無餘德比肩東閣之吏繼踵西園之賓  
願歸彼境還修窀穸庶孤墳旣築或飛銜士之燕豐  
碑式樹時畱墮淚之人近故舊王綰等已有論牒仰  
蒙制議不遂所陳昔廉公告逝卽淝川而建瑩域孫  
叔六匹仍芍陂而植楸楨由此言之抑有其例不使



壽春城下惟傳報葛之人。滄州島上獨有悲田之客。  
昧死陳祈伏待刑憲。

北齊書王琳傳琳字子珩會稽山陰人事齊除揚  
州刺史鎮壽陽陳遣吳明徹圍琳城陷被殺傳首  
建康故吏梁驃騎府舍曹叅軍朱瑒致書陳尚書  
僕射徐陵求琳首修葬陵嘉其志節又明徹亦數  
夢琳求首並爲啓陳主而許之瑒持首還淮南權  
瘞入公山側間道北歸別議迎接時有揚州人茅  
智勝等五人密送葬柩達於鄴。

與尚書令王儉書

梁張充

通夢交魂  
挂衿送抱  
在霜崖  
岸間

吳國男子張充致書於瑯琊王君侯侍者項日路長  
愁霖韜晦涼暑未平攝無虧攝充幸以漁釣之間錄  
採之暇時復以卷軸自娛逍遙前史從橫萬古動默  
之路多端紛紛百年昇降其徒不一故以圓行方止  
用之異也金剛水柔性之別也善御性者不違金石  
之質善爲器者不易方圓之用所以北海掛簪帶之  
高河南降璽言之貴充生平少偶不以利欲干懷三  
十六年差得以棲貧自澹介然之志峭聳霜嶷確乎  
之情峰橫海岸影纓天閣旣謝廊廟之華綴組雲臺  
古文奇賞 卷十四 五七

終慙衣冠之秀所以擯跡江臯徉狂隴畔者實由氣  
岸疏凝情塗狷隔獨師懷抱不見許於俗人孤秀神  
崖每道回於在世故君山直上燈壓於當年叔陽夏  
舉韉輓乎千載充所以長羣魚島畢影松阿半頃之  
田足以輸稅五畝之宅樹以桑麻嘯歌於川澤之間  
諷詠於澗池之上汎濫於漁父之游偃息於卜居之  
下如此而已充何讖焉若夫驚巖單日壯海逢天竦  
石崩尋分危落仞桂蘭綺靡叢雜於山幽松柏森陰  
相繚於澗曲元卿於是乎不歸伯休亦以茲長往若  
乃飛竿釣渚濯足滄洲獨浪烟霞高臥風月悠悠琴

酒。岫。遠。誰。來。灼。灼。文。談。空。罷。方。寸。不。覺。鬱。然。千。里。路。  
阻。江。山。每。至。西。風。何。嘗。不。眷。聊。因。疾。隙。略。舉。諸。襟。持。  
此。片。言。輕。枉。高。聽。丈。人。歲。路。未。彊。學。優。而。仕。道。佐。蒼。  
生。功。橫。海。望。入。廟。則。協。長。倩。之。誠。出。議。則。抗。仲。子。之。  
節。可。謂。盛。德。維。時。孤。高。獨。秀。者。素。履。未。詳。斯。旅。尚。眇。  
茂。陵。之。彥。望。寇。蓋。而。長。懷。霸。山。之。氓。佇。衣。車。而。聳。歎。  
得。無。惜。乎。若。鴻。裝。撰。御。鶴。駕。軒。空。則。岸。不。辭。枯。山。被。  
其。潤。奇。禽。異。羽。或。巖。際。而。逢。迎。弱。霧。輕。烟。乍。林。端。而。  
恭。謁。東。都。不。足。奇。南。山。豈。爲。貴。充。昆。西。之。百。姓。岱。表。  
之。一。民。蠶。而。衣。耕。且。食。不。能。事。王。侯。覓。知。已。造。時。人。  
古。文。奇。賞。卷。十。四。五。夫。

騁遊說。蓬轉於屠博之間。其歡甚矣。丈人早遇承華。  
中逢崇禮肆上之眷望。溢於早辰鄉下之言。謬延於。  
造次。然舉世皆謂充爲狂充。亦何能與諸君道之哉。  
是以披聞見。掃心胸。述平生。論語默。所以通夢交。寃。  
推袂送抱者。其惟丈人而已。關山夏阻。書罷莫因。倘。  
遇樵者。妄塵執事。

山栖志

梁劉峻

以此二根  
不斷

夫鳥居山上曾巢木末魚潛川下窟穴沙泥豈好異哉蓋性然也故有忽白璧而樂垂綸負玉鼎而要卿相行藏紛糾顯晦踏駁無異火炎水流圓動方息斯則廟堂之與江海蓬戶之與金堂並然其所然悅其所悅余每意濯清瀨息椒丘寤寐烟霞其來尚矣所居東陽郡金華山山川秀麗臯澤葱鬱若其羣峯疊起接漢連霞喬林布蔭春青冬綠回溪映流北則千仞河底膚寸雲合千里雨散三百山皆周繞有象郭郭南則平野蕭條極目通望東西帶二澗則四時飛

古詩奇賞 卷十四

五十九

流泉瀾清澍滴瀝生響白波跳沫洶湧成音楓楮椅櫪之樹梓柏桂樟之木分形異色千族萬種結朱實苞綠裏搖白蒂抽紫莖繡纈蠹萃尊梢風鳴籟垂柯簞戶布葉房櫳中谷澗瀕華葩攢列至于青春受謝萍生泉動則都梁含馥懷香送芬長樂負霜宜男滋露芙蓉紅莖照水臯蘇縹菜從風憑軒遠眺蠲憂忘疾歲始年季農隙時閑濁醪初熟濟縹清新則有田家野老提壺共至班荆林下陳樽置爵酒酣耳熱屢舞嚙嘏盛論箱庾高談穀稼不求于世不迂萬物莫辨榮辱匪知毀譽浩然天地之間心無怵惕之警

國日涉以  
厭

重答劉秣陵沼書

孝標作書  
今論劉沼  
非之書來  
往來其旨  
沼作書未  
出而身死  
孝標得之  
乃作此答

劉侯既重有斯難值。余有天倫之戚。竟未之致也。尋而此君長逝。化爲異物。緒言餘論。蘊而莫傳。或有自其家得而示余者。余悲其音徽未沫。而其人已亾。青簡尚新。宿草將列。泫然不知涕之無從也。雖隙駟不留。尺波電謝。而秋菊春蘭。英華靡絕。故存其梗概。更酬其旨。若使墨翟之言無爽。宣室之談有徵。與東平之樹望。咸陽而西。靡蓋山之泉聞。絃歌而赴節。但懸劍空隴。有恨如何。

古文音賞 卷十四

卒

北曠絕。

昔神人在上。輔其天理。知溟海之禽。不以籠樊服養。擗散之資。不以斧斤致用。故能樹之於廣漠。棲之於江湖。載之以大猷。覆之以玄風。使夫淳朴之心。靜一之性。咸得就山澤。樂閒曠。自此而箕嶺之下。始有閒遊之人焉。降及黃綺。逮於臺尚。莫不有以保其太和。肆其天真者也。且夫巖嶺高則雲霞之氣鮮。林藪深則蕭瑟之音清。其可以藻玄瑩。素庇其皓然者。舍是焉歸。故雖援世之彥。翼教之傑。放舞雩以發詠。聞乘桴而慄厲。况乎道乘方內。體絕風塵。理楫長謝。歌鳳

古文音賞

卷十四

六十一

逶巡盪八疵於玄流。澄雲崖而頤神者。哉然如山林之客。非徒逃人患。避爭門。諒所以翼順資和。滌除機心。容養淳淑。而自適者爾。况物莫不以適爲得。以足爲至。彼閒遊者。奚往而不適。奚時而不足。故蔭映巖流之際。偃息琴書之側。寄心松竹。取樂魚鳥。澹游之願。於是畢矣。然奇趣難均。玄契罕邁。○古皆孤棲於一岩。獨玩於一流。苟有情而未忘。有感而無對。踟緘斤寢。絃之歎。固已幽結於林中。○感於遐心。爲時久矣。我固遂求方外之美。略舉養和之具。爲雜贊。仄首暢其所託。始欣閒遊之遐逸。終感嘉契之難會。以廣

一往之詠以抒幽人之心云爾。茫茫草昧，緜邈玄配。三極未鼓，天人無際。萬器既判，大朴乃翳。實有神宇，忘懷司契。冥外徬通，潛感莫滯。總順巢尚，兼應夷惠。緬矣遐心，超哉絕步。顧揖百王，仰怡泰素。矜其天真，外其囂矜。詳觀羣品，馳神萬慮。誰能高佚悠然，一悟。郝超每聞，欲高尚隱退者，輒爲辦百萬資，并爲造立居宇，在剡爲達起宅，甚精整，達始往舊居。

授陸敬游十賚文

陶弘景

景太  
恩評

隱居先生遣總事弟子戴垣秉策執簡膝授前學弟  
子吳郡陸敬游建連石之邑爲栖靜處士策文曰咨  
爾敬游昔我紆紱帝闈侍笏梁席雖迹混敎途而心  
標逸境芝田之想無忘曉夜濠潁之志歲月已深至  
德有鄰風雲相會爾之來也爰移兩春於是褫帶青  
墀掛冠未闕携手東驅創居茲嶺脈潤通水徙石開  
基登崖斲幹越壟負舟筋力盡于登築氣血疲乎趨  
走肌色憔悴不以暴露爲苦心寃空慊寧顧饑寒之  
弊棟宇旣立載惟霜暑于時七稔經始甫訖今日之

古文奇賞 卷十四

六三

安爾有勤焉君子不獨居其榮仁人必與物同泰是  
用邑爾長阿北阪積金山連石之鄉方七十步澗水  
屬焉茂爾嘉業永爲華陽上賓爾其莅之其一爾以誠  
慤爲性恬澹爲情質直居本沉重樹志不邀世才高  
謝時俗權謀詭譎非意所欲今故賚爾爲栖靜處士  
可謂因德立號克終斯美其二爾基架館境營劃援域  
堂壇宏敞樓路通嚴官司行止並有栖憇繕築之勞  
莫匪爾力今故賚爾四雷飛軒廊廡側屋可以安身  
靜臥顯祇遐福其三爾奉上惟勤接下以惠稼穡艱難  
備嘗勞苦貨殖之宜允瞻糧服手足胼胝求獲告休



櫛風沐雨於焉尤切。今故賚爾蒼頭一人。厥名多益。可以傳代薪水。省息劬劇。其爾族維舊緒。身乃邦閭。道雖一貫。事望宜分。今故賚爾鋼鐵如意。可以揮對。賓僚。卽名立事。其爾崇教。惟善法。無偏執。器服表用。爰寄玩習。今故賚爾節竹錫杖。可以振動三界。精祇。憚響。其爾期誠。玄契遐想。靈風至懷。所詣因心。則通。今故賚爾香爐一枚。重陸副之。可以騰烟紫閣。昭感。上司。其爾澡形。潔藏肴糧。旣去。宜導松木。實資芳醕。今故賚爾杯盤一具。可以夕挹桂漿。朝承菊露。其爾敬事經誥。遵尚楷模。翰墨之用于。是乎在今。故賚爾。

古文奇賞 卷十四

大視一面紙筆一副之。可以臨文寫字對真受言。其

爾真心內因清行外彰滌蕩紛穢表裏雪霜。今故賚

爾鍤石澡灌手巾爲副。可以登齋朝拜出大盥漱。其

今賚爾十事事準前史。可對揚嘉策。循言求理。無或

驕惰以塞斯旨。援筆申懷。敢告處士。

陶弘景字通明丹陽秣陵人。才長七尺七寸。神儀

明秀。朗目疎眉。細形長耳。隱句曲山。自號。平陽隱

居。武帝手勅。招之不出。卒贈中散大夫。謚貞白。先

生

答趙希開  
山中何所  
有。嶺上多  
白雲。只可  
自怡悅。不  
能持贈君。  
閱此歡書  
自雲片  
下矣

山川之美。古來共談。高峰入雲。清流見底。兩岸石壁。五色交輝。青林翠竹。四時俱備。曉霧將歇。猿鳥亂鳴。夕日欲頽。沉鱗竟躍。實是欲界之仙都。自康樂以來。未復有能與其奇者。

答虞中書書

栖六翮于荆枝。望綺雲于青漢。者有日子。茲矣而春。華來被草。石開鮮。辭動情端。志交衿曲。信知鄰德之。談無虛往。曠夫子雖迹纏木閣。而心期岱嶺。豈但散髮乎高岫。似將飛霜於絕谷。良爲歛哉。野人幸得託形。崇阜息影。長林每對月流。歎臨風軫慨。徒事累可。古文奇賞。卷十四。三

答趙英才書

子架書區中。飛才甸外。不肯掃門。覓仕復。嬾彈。欽求。通。故。偃。蹇。園。巷。從。容。郊。邑。岩。下。鄙。人。守。一。介。之。志。非。敢。蔑。榮。嗤。俗。自。致。雲。霞。蓋。任。性。靈。而。直。往。保。無。用。以。得。閑。壠。薪。井。汲。樂。有。餘。歡。切。松。煑。木。此外何務。然亦以天地棟宇。萬物同於一化。死生善惡。未之能間。

法試無用  
更難原

檄江神責周穆王壁

梁吳 鈞

荆龍府可  
此大言賦

昔穆王南巡自郢徂閩遺我文壁僉曰此津貫緯百  
紀存歷十春念茲文壁故問水濱江漢昂之自求多  
益反我名瑞躍此華璧則富有漢川世為江泊如有  
負穢心迷懷彙情戚藏玉泥中匿珪魚腹使公孫躡  
波而長吁子羽濟川而怒目伏飛舞劒而東臨菑丘  
躍馬而南逐打素蛤而為粉碎紫貝其如鴛又有川  
人勇俊處乎閩濮水居百里泥行萬宿右睨而河傾  
左咤而海覆乃把昆吾之銅鈍鉤之鐵被魚鱗之衣  
赴螺蚌之穴引澍東隅移樵北島使蓬萊之根鬱而  
生塵瀛洲之足淨而可掃按驪龍取其領下之珠擲  
鯨魚拔其眼中之寶皇恩所被繁枯潤涸威之所加  
窮河絕漢願子三思反此明玉

古文奇賞

卷十四

六本

爲王僧辨勸進梁元帝初表

梁沈炯

爲僧王勸  
進文數一  
家渾雜無  
如此作

衆軍薄伐途次九水卽日獲臨城縣使人報稱侯景  
弑逆皇帝賊害太子宗室在寇庭者並罹禍酷六軍  
慟哭三辰改曜哀我皇極四海崩心我大梁纂堯構  
緒基商啓祚太祖文皇帝徇齊作聖肇有六州高祖  
武皇帝聰明神武奄龕天下依日月而和四時履至  
尊而制六合麗正居貞大橫固祉四葉相係三聖同  
基蠢爾凶渠遂憑天邑闔闔受白登之辱象魏致堯  
城之疑雲宸承奉一朝俱臨金楨玉幹莫不同寃悠  
悠彼蒼何其罔極臣聞喪君有君春秋之茂典以德

古文奇賞

卷十四

六十七

以長先王之通訓少康則牧衆撫職祀夏所以配天  
平王則居正東遷宗周所以卜世漢光以能捕不道  
故景歷重昌中宗以不違羣議故江東可立疇今考  
古更無二謀伏惟陛下至孝通幽英武靈斷當七九  
之厄而應千載之期啓殷憂之明而居百王之會取  
威定霸險阻艱難建社治兵載循古道家國之事一  
至于斯天祚大梁必將有主軒轅得姓存者二人高  
祖五王代實居長乘屈完而陳諸侯拜子武而服大  
輅功齊九有道濟生民非奉聖明誰嗣下武臣聞日  
月貞明太陽不可以闕照天地貞觀乾道不可以久

滄亭中白  
真成哉

絕去餘孫  
油然異景  
一時淨觀  
在其下矣

惕黃屋左纛本為億兆而尊鸞輅龍章益以郊禋而  
貴寶器存乎至重介石慎于易差黔首豈可少選無  
君宗祜豈可一日無主伏願陛下掃地升中柴天改  
物事迫凶危運鍾擾攘蓋不勞宗正奉詔博士擇時  
南面即可居尊西向無所讓德四方既知有奉八百  
始可同期殘寇潛居器藏社處乾象既傾坤儀已覆  
斬莽輓車燒卓照市廓清函夏正為坐陵開雪宮闈  
庶存鍾鼎彼黍離離伊何可言陛下繼明闡祚即宮  
舊楚左廟右社之制可以權宜五禮六樂之容歲時  
取備金芝九莖瓊茅三春要衛率職尉候相望坐廟

古文奇賞 卷十四

六六

堂以朝四夷登靈臺而望雲物禪梁甫而封泰山臨  
東濱而禮日觀然後與三事大夫更謀都鄙左瀋右  
澗夾雒可以為居抗殿疏龍惟王可以在鎬何必勤  
勤建業也哉臣等不勝控款之至謹拜表以聞

過通天臺奏漢武帝表

臣聞橋山雖掩鼎湖之竈可祠有魯遂荒大庭之迹  
無泯伏惟陛下降德猗蘭纂靈豐谷漢道既登神仙  
可望射之梁于海浦禮日觀而稱功橫中流于汾河  
指柏梁而高宴何其樂也豈不然歟既而運屬上仙  
道窮晏駕甲帳珠簾一朝零落茂陵玉盤宛出人間



繁霜應管能響豐山之鐘。玄雲觸目又動流泉之奏。  
矧伊物候且或冥符况乃矜期相忘道術楚齊風馬  
吳會浮雲行李無因音塵不嗣殷御正御命來歸嘉  
言累札江南橘茂薊北桑枯陰慘陽舒行止多福足  
下泰山竹箭浙水明珠海內風流江南獨步扶風計  
吏議折祥禽平陵李廉辯訓文約况復麗藻星鋪雕  
文錦緝風雲景物義盡緣情經綸憲章辭殫表奏久  
以京師紙貴天下家藏調移齊右之音韻改河西之  
俗豈直楊雲藻翰獨畱千金嗣宗文雅唯傳好事僕

古文奇賞

卷十四

七十

世傳經術才謝劉歆家有賜書學匪班嗣弱年有意  
頓愛雕蟲歲月三餘無忘肄業戶牖之間時安筆硯  
顰眉難巧學步非工恒經牧孺之譏屢被陳思之詰  
羞逢仲子類君山之鼓琴屢見子將同本初之車服  
不謂殷侯虛談成價遂同布鼓輕響雷門燕石空雕  
終慙比德楚鞏雖拂實愧棲桐豈若邯鄲舉袖唯聞  
變曲協律飛塵必應不顧是以日南寶貝遙望歸秦  
合浦文犀更希還漢芳春行獻鸞其鳴矣懸豫章之  
牀置長安之驛厚築墻垣思途鄭僑之聘工歌周頌  
佇奏延陵之樂書繒有後道意無伸李那頓首

夫聖賢之書教人誠孝慎言檢迹立身揚名亦已備矣。魏晉以來所著諸子理重事複。遞相模倣。猶屋下架屋。牀上施牀耳。吾今所以復爲此者。非敢軌物範世也。業以整齊門內。提撕子孫。夫同言而信。信其所親。同命而行。行其所服。禁童子之暴謔。則師友之誠不如傳婢之指揮。主凡人之鬪鬪。則堯舜之道不如寡妻之誨諭。吾望此書爲汝曹之所信。猶賢于傳婢寡妻耳。致序父子之嚴。不可以狎。骨肉之愛。不可以簡。簡則慈孝不接。狎則怠慢生焉。由命士以上。父子異

古文青賞

卷十四

七

也。齊朝有一士大夫嘗謂吾曰。我有一兒年已十。七。頗曉書疏。教其鮮卑語及彈琵琶。稍欲通解。以此伏事公卿。無不寵愛。亦要事也。吾時俛而不答。異哉。此人之教子也。若由此業。自致卿相。亦不願汝曹爲之。教兄弟之際。異于他人。望深則易。怨他親則易。弭譬猶居室。一穴則塞之一隙。則塗之。則無頽毀之慮。如雀鼠之不卹。風雨之不防。譬猶楹淪。無可救矣。僕妾之爲。雀鼠妻子之爲。風雨甚哉。人或交天下之士。皆有歡愛。而失敬于兄者。何其能多而不能少也。

名言訓



交游起婦  
汝亦奇談

人或將數萬之師得其死力而失恩于弟者何其能  
踈而不能親也。一婦奴者多爭之地也。使骨肉居之  
亦不若各歸四海感霜露而相思佇日月之相望也。  
况以行路之人處多爭之地能無間者鮮矣。所以然  
者以其當公務而執私情處重責而懷薄義也。若能  
恕已而行換子而撫則此患不生矣。兄江東婦女畧  
無交遊其婚姻之家或十數年間未相識者唯以信  
命贈遺致殷勤焉。鄴下風俗專以姑特門戶爭訟曲  
直造請逢迎車乘填街衢綺羅盈府寺代子求官爲  
夫訴屈此乃恒代之遺風乎。范侯景初入建業臺門

古文奇賞

卷十四

七三

雖閑公私草擾各不自全太子左衛率羊侃坐東掖  
門部分經畧一宿不辦遂得百餘日抗拒竟逆于時  
城內四萬許人王公朝士不下一百便是恃侃一人  
安之其相去如此古人云巢父許由讓于天下市道  
小人爭一錢之利亦已懸矣。慕多見士大夫耻涉農  
商羞務工伎射既不能穿札筆則纔記姓名飽食醉  
酒忽忽無事以此銷日以此終年或因家世餘緒得

一階半級便謂爲足安能自苦及有吉凶大事議論  
得失蒙然張口如坐雲霧公私宴集談古賦詩寒默  
低頭欠伸而已有識傍觀代其入地何借數年勤學

要如此種  
紛為中下  
設法若志  
士宜更商  
通

亦要善讀  
能讀一卷  
亦好

長受一生愧辱哉。梁朝全盛之時，貴遊子弟多無學術。至于諺云：上車不落，則著作。體中何如，則秘書。無不燻衣剃面，傅粉施朱，駕長簷車，跟高齒屐，坐碁子方褥，憑斑絲隱囊，列器玩于左右，從容出入，望若神仙。明經求第，則顧人答策。三九公議，則假手賦詩。當爾之時，亦快士也。及離亂之後，朝市遷革，銓衡選舉，非復曩者之親。當路秉權，不見昔時之黨。求諸身而無所得，施之世而無所用。披褐而喪珠，失皮而露質。兀若枯木，泊若窮流。孤獨戎馬之間，轉死溝壑之際。當爾之時，誠鴛材也。有學藝者，觸地而安。自荒亂已

古文奇賞 卷之十四

來諸見俘虜。雖百世小人，知讀論語、孝經者，尚為人師。雖千載冠冕，不曉書記者，莫不耕田養馬。以此觀之，安可不自勉耶？若能常保數百卷書，千載終不為小人也。夫明六經之指，涉百家之書，縱不能增益德行，敦厲風俗，猶為一藝，得以自資。父兄不可常依，鄉國不可常保。一旦流離，無人庇廕，當自求諸身耳。夫老莊之書，蓋全真養性，不肖以物累已也。故藏名柱石，終蹈流沙。匿跡漆園，卒辭楚相。此任縱之徒耳。何晏、王弼、祖述玄宗，並相誇尚。景附草靡，皆以農黃之化在乎已身。周孔之度外而平叔以黨曹

爽見誅。觸死權之網也。輔嗣以多笑人被疾陷好勝之弊也。山巨源以蓄積取譏。昔多藏厚亡之文也。夏侯玄以才望被戮。無支離擁腫之鑒也。苟奉倩喪妻神傷而卒。非鼓缶之情也。王夷甫悼子悲不自勝。異東門之達也。嵇叔夜排俗取禍。豈和光同塵之流也。郭子玄以傾動權勢。寧後身外已之風也。阮嗣宗涉酒荒迷。乖畏途相誠之譬也。謝幼輿賊賄黜削。違棄其餘魚之旨也。彼諸人者。並其領神玄宗所歸。其餘桎梏塵滓之中。顛什名利之下者。豈可備言乎。直取其清談雅論。剖玄析微。賓主往復。娛心悅耳。非濟世

古文奇賞

卷之十四

七十四

此老不喜  
講學亦當  
游之學廬

成俗之要也。洎于梁世。茲風復闡。莊老周易。摠謂三玄武。皇簡文躬。自講論周弘正。奉贊大猷。化行都邑。學徒千餘。實爲盛美。元帝在江荆間。後所愛習。召置學生。親爲教授。廢寢忘食。以夜繼朝。至乃倦劇。愁憤輒以講自釋。吾時頗預。末遂親承音指。性旣頑。曾亦所不好。云。義陽朱詹。世居江陵。後出揚都。好學家。貧無資。累日不爨。乃時吞紙。以實腹。寒無氈。被抱犬而臥。犬亦饒虛。起行盜食。呼之不至。哀聲動隣。猶不廢業。卒成學士。官至鎮南錄事。叅軍。爲孝元所禮。此乃不可爲之事。亦是勤學之一人。夫文字者。墳籍

根本世之學徒。多不曉字。讀五經者是徐邈而非許慎。習賦誦者信褚詮而忽呂忱。明史記者專皮鄒而廢篆籀。學漢書者悅應蘇而略蒼雅。不知書音是其枝葉。小學乃其宗系。至見服虔張揖音義。則貴之得通俗。廣雅而不屑。一手之中。向背如此。况異代各人乎。勉學篇自古文人。多陷輕薄。屈原露才揚已。顯暴君過。宋玉體貌容冶。見遇俳優。東方鼻倩滑稽不雅。司馬長卿竊貲無操。王褒過家童約。楊雄德敗美新。李陵降辱夷虜。劉歆反覆莽世。傅毅黨附權門。班固盜竊父史。趙元叔抗竦過度。馮敬通浮華擯壓。馬季長

古文奇賞 卷十四

七十五

佞媚獲誚。蔡伯喈同惡受誅。吳質詆訶鄉里。曹植悖悖犯法。杜篤乞假無厭。路粹隘狹已甚。陳琳實號兇。疎繁欽性無檢格。劉禎屈強輪作。王粲率躁見嫌。孔融亦有說禰誕傲致隕。楊修丁廙扇動取斃。阮籍無禮敗俗。嵇康凌物凶終。傅玄忿鬪免官。孫楚矜誇凌上。陸機犯順履險。潘岳乾沒取危。顏延年負氣摧黜。謝靈運空疎亂紀。王元長凶賊自貽。謝玄暉悔悞見及。凡此諸人。皆其翹秀者。不能悉紀。大較如此。至于帝王亦或未免。自昔天子而有才華者。唯漢虛魏太祖文帝。明帝宋孝武帝。皆負世議。非懿德之君也。自子游

子夏荀况孟軻枚乘賈誼蘇武張衡左思之儔。有盛名而免過患者。時復聞之。但其損敗居多耳。每嘗思之。原其所積。文章之體。標舉與會。發引性靈。使人矜伐。故忽于持操。果于進取。今世文士。此患彌切。一字。愜當一句。清巧神厲。九霄志凌千載。自吟自賞。不覺更有。有人加以砂礫。所傷。捺于矛戟。諷刺之禍。速于風塵。深宜防慮。以保元吉。有一士族。好爲可笑詩。賦。詆擊。邢魏諸公。衆共嘲弄。虛相讚說。便擊牛醜酒。招延聲譽。其妻明鑒。婦人也。泣而諫之。此人嘆曰。才華不爲妻子所容。何況行路。至死不覺。自見之謂明。

古文奇賞

卷十四

七十六

此誠難也。劉逖云。君輩辭藻。譬若榮華。須臾之翫。非宏才也。豈比吾徒。十丈松樹。常有風霜。不可凋悴矣。劉應之曰。既有寒木。又發春華。何如也。辛笑曰。可矣。凡爲文章。猶人乘騏驎。雖有逸氣。當以銜勒制之。勿使流亂。軌躅放意。填坑岬也。文章當以理致爲心。腎氣調爲筋骨。事義爲皮膚。華麗爲冠冕。今世相承。趨末弃本。率多浮艷。辭與理競。辭勝而理伏。事與才爭。事繁而才損。放逸者流宕而忘歸。穿鑿者補綴而不足。時俗如此。安能獨違。但務去泰去甚耳。必有盛才重譽。改革體裁者。實吾所希。古人之文。宏材逸氣。

體度風格去今實遠。但緝綴疎朴。未爲密綴耳。今世音律諧靡。章句偶對。諱避精詳。賢于往昔多矣。宜以古之製裁爲本。今之辭調爲末。並須兩存。不可偏弄也。吾家世文章甚爲典正。不從流俗。梁孝元在蕃邸時。撰西府新文史記。無一篇見錄者。亦以不偶于世。無鄭衛之音故也。沈隱侯曰。文章當從三易。易見事一也。易識字二也。易讀誦三也。邢子才常曰。沈侯文章用事。不使人覺。若胸臆語也。深以此服之。祖孝徵亦嘗謂吾曰。沈詩云。崖傾護石髓。此豈佞用事耶。邢子才魏收俱有重名。時俗準的。以爲師匠。邢賞

古文奇賞 卷十四

七十七

服沈約而輕任昉。魏愛慕任昉而毀沈約。每于談讌辭色。以之。鄴下紛紜。各有朋黨。祖孝徵嘗謂吾曰。任沈之是非。乃邢魏之優劣也。江南文制。欲人彈射。

知有病累。隨卽改之。陳王得之于丁廩也。山東風俗不通。擊難。吾初入鄴。遂嘗以此忤人。至今爲悔。後曹必無輕議也。文晉朝南渡。優借士族。故江南冠帶。有才幹者。擢爲令僕。以下尚書郎中書舍人。已上典掌

機要。其餘文義之士。多迂誕浮華。不涉世務。纖微過

失。又愔行捶楚。所以處于清名。益護其短也。至于臺閣令史。主書監帥。諸王籤省。並曉習吏用。濟辨時須。

可憐可憐  
上有虛名  
宜避之如  
避如蛇

士大夫好  
安逸幸用  
破國并忘  
其身

最識時務

縱有。小人之態。皆可。鞭杖。肅督。故多。見委。使益。用其。  
長也。人每。不自。量舉。世怨。梁武帝。父子。愛小人。而疏。  
士大夫。此亦。眼不能。見其。驥耳。梁世。士大夫。皆尚。  
裘衣。博帶。大冠。高履。出則。車輿。入則。扶待。郊郭。之內。  
無乘。馬者。周弘。正為。宣城。王所。愛給。一果。下馬。常服。  
御之。舉朝。以為。放達。至乃。尚書。郎乘。馬則。糺劾。之及。  
侯景。之亂。膚脆。骨柔。不堪。行步。體羸。氣弱。不耐。寒暑。  
坐。灰倉。穉者。往往。而然。江南。朝士。因。晉中。興南。渡。  
江卒。為。羈旅。至今。八九。世未。有力。田。悉資。俸祿。而食。  
耳。假令。有者。皆。借。僮僕。為之。未嘗。目。觀。起一。撥土。耘。

古文奇賞

卷十四

七十八

一。株。苗。不。知。幾。月。當。下。幾。月。當。收。安。識。世。間。餘。務。乎。  
故。治。官。則。不。了。營。家。則。不。辦。皆。優。閒。之。過。也。涉上。書。  
陳。事。起。自。戰。國。逮。于。兩。漢。風。流。彌。廣。原。其。體。度。攻。人。  
主。之。長。短。諫。諍。之。徒。也。訐。羣。臣。之。得。失。訟。訴。之。類。也。  
陳。國。家。之。利。害。對。策。之。伍。也。帶。私。情。之。與。奪。遊。說。之。  
儔。也。總。此。四。塗。賈。誠。以。求。位。鬻。言。以。干。祿。或。無。絲。毫。  
之。益。而。有。不。貲。之。困。齊。之。季。世。多。以。財。貨。託。附。外。  
家。誼。動。女。謁。拜。守。宰。者。印。組。光。華。車。騎。輝。赫。榮。兼。九。  
族。取。貴。一。時。而。為。執。政。所。患。隨。而。伺。察。既。以。得。利。必。  
以。利。治。微。染。風。塵。便。乖。肅。正。坑。穿。殊。深。瘡。疔。未。復。縱。

通入

有此一段  
議論周氏  
訓高過  
不君矣

在今日冷  
勝為景

每見訓家  
者專用  
謹則舍生  
取義何居  
焉不可苟  
惜誠至言

得免。死莫不破家。然後噬臍。亦復何及。吾自南及北。未嘗一言與時人論身分。也不能通達。亦無尤焉。王子晉云。佐饗得嘗。佐鬪得傷。此言為善則預為惡。則去不似黨人非義之事也。凡損于物。凡無與焉。然而窮鳥入懷。仁人所憫。况死士歸我。當弃之乎。伍員之託漁舟。季布之入廣柳。孔融之藏張儉。孫高之匿趙岐。前代之所貴。而吾之所行也。以此得臯。甘心瞑目。至如郭解之代人報讎。灌夫之橫怒求地。游俠之徒。非君子之所為也。如有逆亂之行。得臯于君親者。又不足恤焉。親友之迫危難也。家財已力。當無所吝。

古文奇賞 卷十四

七十九

若橫生圖計。無理請謁。非吾教也。墨翟之徒。世謂熱腹。楊朱之似。世謂冷腸。腸不可冷。腹不可熱。當以仁義為節文。爾事吾近為黃門郎。已可收退。當時羈旅。懼罹謫譴。思為此計。僅未暇。爾自喪亂已來。見因託風雲。微倖富貴。且執機權。夜損坑谷。朔歡卓。鄭晦泣顏原者。非十人五人也。慎之哉。慎之哉。止夫生不可不惜。不可苟惜。涉險畏之塗。于禍難之事。貪欲以傷生。讒慝而致死。此君子之所惜哉。行誠孝而見賊。履仁義而得臯。喪身以全家。泯軀而濟國。君子不咎也。自亂離已來。吾見名臣賢士。臨難求生。終為不救。徒



取窘辱令人憤懣。侯景之亂，王公將相多被戮辱。妃  
主姬妾略無全者。唯吳郡太守張暉建義不撓，爲賊  
所害。辭色不撓，及郢陽王世子謝夫人登屋詬怒，見  
射而斃。夫人謝遵女也。何賢智操行若此，之難婢妾  
引決。若此之易悲夫。生山。中。人。不。信。有。魚。大。如。木。海。  
上。人。不。信。有。木。大。如。魚。漢。豈。不。信。弦。膠。魏。文。不。信。火。  
布。胡。人。見。錦。不。信。有。蟲。食。樹。吐。絲。所。成。昔。在。江。南。不。  
信。有。千。人。羶。帳。及。來。河。北。不。信。有。二。萬。斛。船。皆。實。驗。  
也。夫。有。子。孫。自。是。天。地。間。一。蒼。生。耳。何。預。身。事。而。  
乃。愛。護。遺。其。基。址。况。于。已。之。神。爽。頓。欲。棄。之。哉。歸心。漢。

古文奇賞

卷十四

八十

書王莽贊云：紫色蛙聲，餘分閏位。蓋謂非玄黃之色，  
不中律呂之音也。近有學士名閻，甚高遂，云王莽非  
直鳶鸞虎視，復紫色蛙聲，亦爲誤矣。書證。

賀平鄴都表

周庚 信

臣某言臣聞太山梁甫以來。卽有七十二代。龍圖龜書之後。又已三千餘年。雖復制法樹司。禮殊樂異。至于文離武落。刻木弦弧。席卷天下之心。包含八荒之志。其揆一矣。伏惟皇帝陛下。握天樞。秉地軸。駕馭風

一作天

雲。驅馳龍虎。沉雄內斷。不勞謀于力。救天策。勇決無待。問于容成。是以威風所振。烈火之遇。鴻毛旗鼓。所臨。衝風之捲。秋葉竊聞。伊洛戎夷。幽并僭偽。抱圖載籍。已歸丞相之府。啣玉繫授。並詣中軍之營。百年邁誅。遂窮巢窟。三代敵怨。俄然掃蕩。昔周王涓水之師。

古文奇賞

卷十四

八十一

筆下有此  
等句筆來  
亦大快事

尚勞再駕。軒轅上谷之戰。猶須九伐。未有一朝指麾。獨決神武。平定寓內。光宅天下。二十八宿止餘。吳越一星。千二百國。裁漏麟洲。小水若夫。咸康之年。四方始定。建武之代。諸侯並朝。不得同年。而語矣。雖復八風並唱。未足頌其英聲。六律俱陳。無以歌其神武。坐釣臺而誓衆。奴啟繼夏禹之功。入商郊而闕臯。姬發成周文之志。無改之道。大孝也。歟。當今鹿臺已散。項官已遣。兵藏武庫。馬入華山。立明堂之制。奏太武之樂。盛矣哉。上天降休。未之有也。政須東南一尉。立于比景之南。西北一候。置于交河之北。然後命東后。詔

蒼冥。衢壇。琬碑。銀繩。瓊檢。告厥成功。差無慙德。臣忝  
竊榮幸。蒞政東藩。不獲躬到闕庭。預觀大慶。不勝鳧  
藻踴躍之至。

爲閭大將軍乞致仕表

臣某言。臣聞禮云。大夫七十致仕。於朝傳家。於子騰  
則貳珍。衣稱肯制。臣自出身奉國。四十餘年。遭遇風  
雲。從微至著。太祖文皇帝扶危濟難。奄有關河。臣實  
無堪。中涓從事。自洛食風塵。河梁旗鼓。華陰有白馬  
之兵。河曲有黃沙之陣。臣雖用命。不能奇策。功薄賞  
厚。因人成事。恩澤年表。常以愧心。仰逢周朝。以揖讓

古文奇賞 卷之十四

全二

代入 致  
仕表一葉  
將原字付  
於風露日  
用皆到自  
場者漢污

登庸。謳歌受命。主貴臣遷。頻煩榮寵。三槐以鑄。陽象  
物。知其神奸。五等以桓。珪飾瑞守。其宮室。臣以何德  
兼而有之。况復水土之職。王梁以應讖受徵。兵戈之  
王。韓信以登壇獨拜。語其連類。臣又何人。當今四海  
未寧。三方鼎峙。陛下勞心之日。羣公展効之秋。而臣  
甲子既多。耄年又及。無忝賓客之事。謬達諸侯之班。  
尸祿素餐。又紊彝典。負乘致寇。徒煩有司。加以寒暑  
乖違。節宣失序。風水交侵。菁華已竭。雖復廉頗。強飯  
馬。援據鞍。求欲報恩。何能爲役。榮啓期之樂。適足自  
貽。燭之武之言。亡能爲也。特乞解所居官。言從初服。

乃銘云風  
伯吹鑑雲

師煉冶鐵

敵朝流金

精夜下價

重十城名

高千馬又

云千金顏

合百鍊錄

成光連斗

氣激動山

特身文水

動乃古珠

生大抵其

運筆如刀

蓋自輪也

又似月明

孤吹

事符骸骨之請非謀几杖之賜若臣北陵移病東臯  
歸老山河茅社一反司勳公侯珪璧還封典瑞則朝  
無冒位之人臣免妨賢之責虞氏養老敢希東序之  
榮周朝如茶豈望西郊之禮但瞻仰天威方違咫尺  
徘徊城闕私增懷戀不任知止之情

爲晉陽公進玉律秤尺斗升表

臣某言臣聞三才既立君臣之道已陳六位時成禮  
樂之功斯正故以叶和日月測度陰陽悅豫兆人儀  
刑萬國者也伏惟皇帝應籙馭天披圖受命據太陽  
而縣像履文昌而建極白環表讓德之符玄珪告成

古文奇賞

卷之十四

全二

功之瑞太階既平升中可習必當水建千年山稱萬  
歲伏見勅旨刊正音律平章曆象奏黃鍾而歌大呂  
變孤竹而舞雲門莫不遠取疎通聲從安樂四分既  
明三微且定是以聞鐘於洛浦即辨聲乖聽鐸於耶  
鄴先知響韻二分二至行於司曆之官九變九成被  
於中和之職足以動天地感鬼神被風俗平寒暑豈  
直吟嘯谿谷回翔鸞鳳而已哉是知零陵廟前徒尋  
舜管始平城下空論周尺臣聞上裂其禮下習其儀  
君定其法臣行其事豈造玉律一具并玉秤尺斗升  
合等始得成功至於分粟累黍量絲數齋實以仰稟

聖規參詳神思所奠節移陰管無勞河內之戾氣動  
陽鍾不待金門之竹而琬琰事輕般倅慮淺不足展  
乎成均增輝度量賞器奉表以聞

吹臺山銘

江寧吹嶺雖山出筠秦簫下鳳此岫爲真青槐避日

朱草

一作詞

司晨石名新嬪樓學仙人中字王成南君姓秦

比花依樹登榭要春舞能留客聲便度新雕梁數振

亾復輕塵

望美人山銘

高唐礙石洛浦亾舟何處相望山邊一樓峰因五嬪

古文奇賞

卷十四

全十四

石是三戾險踰地肺危陵天柱禁苑斜通春人常聚

對裏聳歌枝中見舞恰對妝望諸窗畫開斜看已識

直喚便回豈同織女非秋不來

至仁山銘

山橫鶴嶺水學龍津臨去一片仙童兩人三秋雲薄

九日寒新真花暫落畫對常春橫石臨砌飛簷枕嶺

壁繞藤苗窗銜竹影菊落秋潭桐疎寒井仁者可樂

將山愛情

明月山銘

竹窗標岳四面臨虛山危簷迴葉落窸窣看椽杵

對樹無風。風生石洞。雲出山根。霜朝吸宿。秋夜鳴猿。  
堤梁以堰。埜路疑村。舩橫棗下。樹俠津門。寧殊華蓋。  
詎識桃源。

行雨山銘

山銘行雨。地異陽臺。佳人無數。神女一作若看來。翠幔朝開。  
新妝旦起。樹人牀頭。花來鏡裏。艸綠衫同。花紅面似。  
開年寒盡。正月遊春。俱除錦帔。併脫紅綸。天彩劇藕。  
蝶粉作多生塵。橫藤礙路。弱柳低人。誰言洛浦。一个河神。

思舊銘 并序

歲在攝提。星居監德。梁故觀寧。侯蕭末卒。嗚呼哀哉。

古文奇賞 卷十四

公五

人之滅也。既非金石。所移士之悲也。寧有春秋之異。  
高臺已傾。稷下有聞琴之泣。壯士一去。燕南有擊筑。  
之悲。項羽之晨起。帳中李陵之徘徊。岐路韓王孫之。  
質。趙楚公子之留秦。無假窮秋。于時悲矣。况復魚飛。  
武庫。預有弃甲之徵。鳥伏翟泉。先見橫流之肇。星紀。  
吳亾庚辰。楚滅紀侯。夫去郢子。無歸原隰。載馳輓轅。  
長別甲裳。失矣餘皇。弃焉河傾。酸棗杞梓。與樗櫟俱。  
流。海淺蓬萊。魚鼈與蛟龍共盡。焚香複道。詎假遊竟。  
載酒屬車。寧消愁氣。芝蘭蕭艾之秋。形殊而共瘁。羽。  
毛鱗介之怨。聲異而俱哀。所謂天乎。乃曰蒼蒼之氣。

所謂地乎。其實博博之士。怨之徒也。何能感焉。彫殘  
殺。翮亾所假于風。颯零落春枯。不足頌于霜。靈幕府  
昔開。賢俊翹首。爲羈終歲。門人謝焉。至於東首告辭。  
西陵長往。山陽車馬。望別郊門。潁川賓客。遙悲物路。  
嵇叔夜之山庭。尚多楊柳。王子猷之舊徑。唯餘竹林。  
王孫墓地方爲長樂之宮。烈士埋冤。卽是將軍之墓。  
昔嘗歡晏。風月留連。追憶平生。宛然心目。及乎垂翅。  
秦川關河。羈旅降于悲谷之景。實有憂生之情。美酒  
酌焉。猶思建鄴之水。鳴琴在操。終思華亭之雀。重爲  
此別。嗚呼甚哉。磨亾星落。月火珠傷。瓶罄罍耻。芝焚  
古文奇賞 卷十四 八十六

潛然思舊乃作銘云

風雲上慘舟壑。潛移駸駸。霜落君子先危。紀侯大去。  
懷王不返。玉封長埋。風流遂遠。荀伯舊縣。慶封餘邑。  
萬里歸窺。修門詎入墳。橫武庫山枕。盧龍思歸道遠。  
返墓亡從徒。留送雁空。靡長松平陵之東。亡復梧桐。  
松聲蕭瑟。長起秋風。疇昔隆貴。提攜語默。託情嵇阮。  
風雲相得有酒。如澠終溫。且充朝陽。落鳳大埜。傷麟  
佳城鬱鬱。流寓于秦山。陽相送唯餘故人。孀機嫠緯。  
獨鳳孤鶯。聞淒夜靜。風高月寒。生平已矣。懷舊何期。

匣中絃絕鄰人笛。悲管爲幕府。今成總帷。

温湯碑

咸池浴日。先應綠甲之圖。砥柱浮天。始受玄夷之命。仁則滌蕩埃氛。義則激揚清濁。勇則負山餘力。弱則鴻毛不勝。仲春則榆莢同流。三月則桃花共下。其色變者流爲五雲之漿。其味美者結爲三危之露。烟青於銅浦。色白於鉛溪。非神鼎而長沸。異龍池而獨涌。洒胃滌腸。與羸起瘠。秦皇餘石。仍爲雍齒之階。漢武舊陶。即用魚鱗之瓦。山間涌水。寔表忠誠。室內江流。彌彰純孝。豈若醴泉消疾。聳乎建武之朝。神水蠲疴。在乎咸康之世。嵩山三仙之館。不孤擅於天池。百丈之泉。豈獨高於蓮井。

對絕奇

古文奇賞 卷之十四

八七

謝滕王集序啓

其啓伏覽。制垂賜集序。紫微縣映如傳闕里之書。青鳥遙飛似送層城之擘。若夫甘泉宮裏。玉樹一叢。玄武關前。明珠六寸。不得譬此光芒。方斯照燭。有節有度。卽是能平八風。愈昌愈高。殆欲去天三尺。殿下雄才。蓋代逸氣。橫雲濟非。頽淵關西。孔子譬其毫翰。則風雨爭飛。論其文采。則魚龍百變。蒲桃繞館。新開碣石之宮。修竹夾池。始作睢陽之苑。琉璃泛酒。鸚鵡承

八字自快  
其文大類  
漢潘任相  
似公醜相  
似此玉種  
八日在牙  
類開



杯。鳳。穴。歌。聲。鸞。林。舞。曲。况。復。行。雲。逐。雨。迴。雪。隨。風。湖  
陽。之。尉。既。成。爲。喜。之。因。春。陵。之。侯。便。是。銷。慶。之。地。其  
本。乏。才。用。亡。多。述。作。加。以。建。鄴。陽。九。劣。免。儒。剛。江。陵  
百。六。幾。從。士。隴。至。如。殘。編。落。簡。並。入。塵。埃。赤。軸。青。箱。  
多。從。灰。燼。比。年。疴。急。彌。留。先。陰。視。息。桑。榆。已。逼。蒲。柳。  
方。衰。不。亡。秋。氣。之。悲。寔。有。途。窮。之。恨。是。以。精。采。胥。亂。  
頗。同。宋。玉。言。辭。蹇。吃。更。甚。楊。雄。一。吟。一。咏。其。可。知。矣。  
好。事。者。不。求。知。音。者。不。用。非。有。班。超。之。志。遂。已。棄。筆。  
未。見。陸。機。之。文。久。同。燒。硯。至於。凋。零。之。後。殘。缺。所。餘。  
又。已。襍。用。補。袍。隨。時。覆。醬。聖。慈。憐。愍。遂。垂。存。錄。始。知。

古文奇賞

卷之十四

八八

揄。揚。過。差。君。子。失。辭。比。擬。從。橫。小。人。迷。惑。荆。玉。抵。鵲。  
正。恐。輕。用。重。寶。龍。淵。削。玉。豈。不。徒。勞。神。慮。匠。石。迴。顧。  
朽。材。變。於。雕。梁。孫。陽。一。言。奔。蹄。成。於。駿。馬。故。知。假。人。  
延。譽。重。於。連。城。借。人。羽。毛。榮。於。尺。玉。溟。池。九。萬。里。士。  
踰。此。澤。之。深。華。岳。五。千。仞。終。愧。斯。恩。之。重。即。日。金。門。  
細。管。未。動。春。灰。石。磬。輕。雷。尚。藏。冬。蟄。伏。願。聖。躬。與。貴。  
納。豫。南。陽。寶。雉。幸。足。觀。瞻。酈。縣。菊。泉。差。能。延。壽。伏。進。  
至。鄴。可。期。從。梁。有。日。同。杞。子。之。盟。會。必。欲。瞻。仰。風。塵。  
共。薛。侯。而。來。朝。謹。當。逢。迎。冠。蓋。魚。腸。尺。素。鳳。足。數。行。

書此謝辭終知不盡謹啓

謝趙王示新詩啟

庚信連珠  
那那已危  
徒思馬張  
荷城去矣  
是以竹杖  
扶危不能  
正武備之  
石虛反緒  
水下能救  
宣房之河  
○李都尉  
之風宿  
山而請蓋  
經平原之  
意氣登河  
橋而路窮  
○洪羅之

某啟鄭叡至奉手教累紙并示新詩八體六文足驚  
毫翰四始六義寔動性靈落落詞高飄飄意遠文異  
水而涌泉筆非秋而垂露藏之山嶺可使雲霧鬱起  
濟之江浦必當蛟龍繞船首夏清和聖躬怡裕瑠璃  
瑯管鵲顧鸞迴婉轉綠沈猿驚雁落下風傾首以日  
為年健為舍人寔有誠願碧雞主簿亾由遂心竅寔  
荆扉疎蕪蘭徑驂駕來梁未期卜日遣騎到鄴希垂  
枉道

謝明皇帝賜絲布等啟

古文奇賞 卷十四

八十九

免遂控長  
楚之虎平  
單之蟻能  
先失水之  
龍○日南  
枯蚌猶合  
明月之珠  
箭門死樹  
高控感池  
之曲○欲  
求其直理  
陽有自理  
之善若當  
其難吳平  
有已枯之  
竹○曹烈  
登北波陽  
之田處及  
柘如兒柱  
運狀之聲

臣某啟奉勅垂賜雜色絲布綿絹等三十段銀錢二  
百文某比年以來殊有缺乏自社之內拂艸看冰靈  
臺之中吹塵視醜懟妻狠妾既嗟且憎瘠子羸係虛  
恭寔怨王人忽降大賚先臨天帝賜年無踰此樂仙  
童贈藥未均斯善張袖而舞玄雀欲來撫節而歌行  
雲幾斷所謂舟楫無岸海若為之反風薺麥將枯山  
靈為之出雨况復全抽素匱雲板疑傾併落青鳧銀  
山或動是知青牛道士更延將盡之命白鹿真人能  
生已枯之骨雖復拔山超海負德未勝垂露縣針畫  
恩不盡蓬萊謝恩之雀白玉四環漢水報德之虵明

珠一亦某之觀此寧亾愧心直以物受其生於天不  
謝謹啟

謝趙王賚犀帶等啟

某啟奉教垂賚犀粧帶錢十貫魏君寶帶特賜劉禎  
趙王國租徧資裴楷貫藏文馬如燒安息之銀帶插  
通犀似獵雲南之獸北郭騷之長貧是所甘慙南宮  
敬之載寶殊非念望花開四照唯見其榮菴戴三山  
深知其重昔沈義將盡逢司命而還生士歟行理值  
仙人而更活今日慈矜斯之謂矣馬前驅而導路或  
似識恩雞未曉而開關容能報主謹啟

古文奇賞

卷十四

九十

謝趙王賚馬并織啟

某啟奉教垂賚紫駟馬并銀釘乘具紫紬織一張上  
天降雨特垂深澤若水流光徧蒙私照廻茲翠蓋事  
重劉基之恩降此青驪榮深李忠之賜北部丹帷便  
須高捲西河竹馬卽已郊迎在命之輕鴻毛浮于弱  
水知恩之重鼇背負于靈山况復驚鴻別水但見徘徊  
黃雀去關唯知反顧樓戀之心事同于此

趙國公集序

竊聞平陽擊石山谷爲之調大禹吹筠風雲爲之動  
與夫含吐性靈抑揚詞氣曲變陽春光廻白日豈得

同年而語哉。柱國趙國公發言爲論。下筆成章。逸態橫生。新情振起。風雲爭飛。魚龍各變。方之珪璧。塗山之會。萬重。譬似雲霞。赤城之巖。千丈。文參曆象。卽入天官之書。韵涉絲桐。咸歸總章之觀。論其壯也。則鵬起半天。語其細也。則鷦巢蚤睫。豈直熊熊。且上增城。抱日月之光。燄燄宵飛。南斗觸蛟龍之氣。昔者屈原。宋玉。始于哀怨之深。蕪武。李陵。生于別離之世。自魏。建安之末。晉太康以來。雕蟲篆刻。其體三變。人人自謂握靈蛇之珠。抱荆山之玉矣。公斟酌雅頌。諧和律呂。若使言乖節目。則曲臺不顧。聲止操縵。則戍均無

古文奇賞

卷十四

九十一

取。遂得棟梁。文園。冠冕詞林。大雅扶輪。小山承蓋。周滕王。趙序曰。自攜老入關。亟移灰琯。蒸蒸色養。勤同扇席。及丁母憂。杖而後起。病不勝哀。青鸞降宿。封之祥。白雉有樓欄之感。晉國公廟期。受托爲世。賢輔見信。孝情毀至。每自閔嗟。嘗語人曰。庾信。南人。羈士。至孝天然。居喪過禮。殆將滅性。寡人一見。遂不忍看。其至德如此。

招道士徐鴻客書

李密

齊州長史至得所上奇策一篇理智優長文采密麗  
覽而味之嘉玩無已夫天地閉賢人隱少微光處士  
見是以崆峒之上軒轅問於廣成汾水之陽唐帝從  
於齧缺是知肥遁爲美齊物攸歸雅節與蘭桂俱芳  
高風共雲霞競遠孤門承世胄地藉餘緒平生大志  
豈圖富貴只爲時逢版蕩代屬艱虞猷猷海水之羣飛  
憫蒼生之塗炭便與二三人傑百萬武旅欲受降于  
軼道將問罪于商郊未遇女女思逢黃石詎有啟沃  
謀猷弼成韜鈴者也仙師學究本原術苞奇攻八風

古文奇賞 卷十四

九十二

五星之候玉臺金匱之書莫不洞曉于心若指諸掌  
今龍戰于埜鶴翔寥廓或出或處且變且更濡足援  
手是曰仁人除暴靜亂方稱君子贊我興運今也其  
時師宜躡屩檐簪用虞卿之禮披榛輓輅襲婁敬之  
風引領瞻望拂席相待遲聽鄴生之談方聞左車之  
說桂樹山幽歲云暮矣桃花源穴想見其人冬首薄  
寒比如宜也想攝養有方當無勞慮庶不遠千里早  
赴六軍孤已勒彼州令以禮相送冀面非遙遣此不  
多及

密在洛口得唐高祖報書謂天下無可慮遂專事

隋齊方士徐鴻客上經天緯地策一篇于密軍旅  
揮霍失其本文題其封曰大衆旣聚恐米盡人散  
師老厭戰難以成功勸密乘進取之機因士馬之  
銳沿流東指直詣江東執取獨夫號令天下密雖  
未遑遠略心異其言以書招之鴻客晦跡林野莫  
知所之○密移郡縣徵積薪居上驗汲黯之言囊  
錢不如傷趙壹之賦以國無人焉故也

古文奇賞卷之十四

終

古文奇賞卷十四

九十三



